


一

一

六十四

萬曆四十二年
至四十八年



國權

甲寅萬曆四十二年

正月朔朔 上不朝

祀祫享太廟

唐申日講官領詹事府事禮部左侍郎兼翰林院侍讀學士

翁正春歸省

山西按察副使許繼新為尚寶司卿光祿寺丞添註陸彥章

為少卿前御史嚴一鵬為大理寺右寺丞

鹽官談遷孺木著

巡撫河南右副都御史錢夢得卒夢得字桐鄉人萬曆

癸未進士知鄆陵拜山西道御史歷南京大理寺卿晉今秩

未任卒於家予祭葬

辛酉前巡撫遼東右僉都御史張濤奏建州衛

北關匪其婿台卜吉絕婚開原人不當助之其語元向不入

內地一旦率其子抵撫順關託備禦官李永芳以聞

癸亥設寧夏古永井守備先是松山既復涿民漸聚而河凍

輒馳援寧夏中衛不及援兵部酌要地以守之

乙丑南蠻番裸平總兵劉綎自桐槽進師大小五十六戰斬

三千二百三十六級

丁卯邊餉乏戶部會議請借內庫金花銀戶科給事中官應

震言內庫則承運庫為最外庫即太倉也承運庫歲貯土官

子粒銀四萬九千四百三十三兩又夏秋米麥共折金花銀

一萬二千七百二十九兩七錢零太倉四百餘萬兩其邊餉

則三百八十九萬有奇然而內帑之即為外儲也子粒金花

之原為邊餉也世宗朝金花銀子粒銀俱貯太倉充餉不

知何年移內請仍還其故不報

己巳禮科給事中余懋孳請覈積逋裁冒濫不報

甲戌 慈聖皇太后不豫
丁丑 命催兩淮運司等通課

戊寅 南京工部右侍郎胡桂芳改工部右侍郎兼右僉都御史總理河道提督軍務太常寺少卿提督四夷館添註劉一
焜為右僉都御史巡撫浙江通政司右通政梁見孟河南左
布政使梁祖齡南京太僕寺卿錢士完四川 布政使徐成
位俱為右僉都御史巡撫湖廣河南山東雲南前太常寺少
卿孟麟補原官提督四夷館

二 甲申 總督陝西三邊軍務兼理糧餉右副都御史兼兵部右

侍郎黃嘉善為兵部尚書協理京營戎政南京吏部尚書鄭
繼之改吏部尚書

丙戌 兵部左侍郎魏養蒙錦衣衛都指揮使梅國林護送福

王 己丑 太常寺少卿陳禹謨為太僕寺卿

辛卯 慈聖宣文明肅貞孝端獻恭憲皇太后李氏崩

癸巳 撫治鄆陽為右副都御史衛一鳳為南京兵部右侍郎

甲午 頒遺詔曰予以涼德獲侍 穆宗莊皇帝於潛邸敬共

夙夜罔懈於中幸誕育今 皇帝冲齡踐阼在宥四十餘年

天下臣民頌太平之麻者咸歸功啟祐予實有榮施焉尊養
並隆福履純脩嘗以享受太過為懼茲者遘疾瀕危皇
齋居靈禱竭盡孝誠顧命數已定予亦怡然大還其何但化
之有今宗社乂安政務脩舉封婚諸大典皆有定期翼子貽
孫復何顧慮惟念皇帝大孝超超古今不無過於哀痛良軫
於懷常順變節哀靈承帝眷親賢圖治永保鴻基皇太子亦
宜乘時進學無忝元良大小臣工相與輯睦以事皇帝是
皆予惓之至念也所有赦罪卹災等事予已親屬皇帝
另詔施行云云時葉向高以楚宗殺撫臣前罪當死論謀反

非實當赦啟上入遺詔中

丙申南京戶部右侍郎兼右僉都御史總督糧儲趙欽湯卒
欽湯字師高解州人隆慶二年進士知掖縣進戶部主事別
歷中外四十餘年並有令聲於總儲尤著年七十九贈戶部
尚書予祭葬

丁酉許魯府以漢襲汝陽王

祭郊故遠東寧遠叅將郭有中贈都督僉事百戶劉國明贈
指揮僉事立祠以禦死

甲辰刑部訊壬子劉琛賄有狀朱良棟罰三科張世偉削籍

俟三科後聽復試房考王象春如鄒之麟例於任日降用
已而議築遼東邊牆巡撫張濬請之下所司
命出倉米五萬石賑畿內
唐成工 孝定貞純欽仁端肅弼天祚聖皇太后尊謚辛亥
頒詔

太僕寺少卿李時華為太僕寺卿轄東路

三月外山西按察使陳所蘊為南京太僕寺少卿添註

丁巳賜故兵部員外郎楊繼盛追葬

庚申順義王封百成進總督涂宗濬太子太保餘加叙有差

談遷曰卜石免弛命意非有蹄林之會細柳之窺也適胡
媪死五路台吉特所部強躑躅旦夕脅我金繒耳亟之取
侮緩之取弭一時過於張皇幸涂宗濬馭得其道亦制閭
之常賞浮於功所以勸邊臣者殷矣

大理寺卿林如楚為工部右侍郎

辛酉工部尚書劉元霖卒元霖字 任立人萬曆庚辰進

士知安陽進吏部主事歷令官任籍三十餘年饒有丰采予

祭葬贈太子太保

辛未減陝西織造羊絨袍服三分之一

甲子福建稅監高宗在閩久怙惡通倭抑勒行戶不予直福州人激怒圍其署宗出火箭射焚民居亡筭所殺傷百十人巡撫袁一驥不應宗策馬挾劍蒼頭橫刃突入撫署鈴閣軍衛遽散手拉一驥步行市中劫副使李思誠僉事呂純如都司趙庭張鶴獅等為質明日同知陳勇為代乃還諸公
辛未許鑄唐府德安王器搨印

乙亥巡撫延綏兵部右侍郎兼右僉都御史劉敏寬總督陝西三邊軍務兼理糧餉河南左布政使許汝魁為南京光祿寺卿南京太僕寺少卿添註汪以時為南京太僕寺卿

左庶子兼翰林侍讀鄧士龍為國子祭酒

丙子福王常洵之國中宮例有戒勅而皇后寶前燬命刊木代之時舟千一百七十二艘從卒千一百人攷宣德時鄭淮荆慶梁五王之國各舟三百成化時德秀吉崇徽五王之國各舟七百餘興岐二王各舟九百餘挽卒數萬景王從官二十七人校尉六百人卒千人今加潞王舟二百四十八艘潞王莊田畝徵一分今畝三分

談遷曰寵王就國中外文為東宮幸如釋重憂又長慮之臣有梁孝王入朝之危給諫魏大中奉使過其邸謂王

易與耳無可慮也噫食味忘甘馳坂忘峻雒陽居四達之途積愛生休見妬造物或有繇乎

丁丑勘韓敬關節時惡湯賓尹苛及敬

庚辰日色黃赤如赭

是月十犯平上等堡官軍拒卻之

建州衛復墾前罷耕地開原叅議薛國用力請驅

逐會巡撫郭光復新任授兵踵至朝廷發三十萬金募兵而

光復遣佟養性往林以利害復遵約退地定界用國又議併

三全撫安柴河靖安及白象衝松子為界巡按御史翟鳳翀

助之於是依界鐫碑番書或盜漢馬僂之於碑下示恭順

四甲申許德府由桑嗣清平王

丙戌詔曰朕以聖母違和日夜問視竭誠祈禱願移青於

眇躬恭承慈諭內外輕罪宜事赦除災傷錢糧查行蠲免朕

方詔所司奉行德意而仙馭遽昇徽音遂邈仰追遺訓益愴

於懷爰沛非時之恩用慰在天之念所有條款開列於後云

云於戲孝惟錫類普天沾履露之恩善則稱親薄海頌慈雲

之荒布告中外成使聞知

登已許由楸封永年王鑄印

己亥謚慶府博陽王玘勳僖憲晉府寧化王慎鑿溫裕周府
汝寧王在吟僖順韓府咸陽王璟漫康僖

甲辰令百官禱雨

五朔寅葉向高言祖制凡母后神主神位並不書太蓋臣子尊
稱之曰太若神主神位列於帝側於禮未宜臣等謹遵政
事題考定貞純欽文端肅弼天祚聖皇后從之

酉刻雷震燬密雲楊窪臺樓

御史董定策言本朝道學薛瑄外霍州學正馮池曹端戶部
主事河南龐時熙吏部主事新安孟化鯉宜祀於其鄉不報

乙卯夜大雨雷

丁巳安南都統使黎維新入貢

壬戌大學士葉向高方從哲及給事中郭尚賓各劾福建稅

監高案不報

丙寅存問前大學士申時行沈鯉

己巳雷火燬永平石灰墩臺

己卯潞王珣薨年十謚曰簡

六廟寅 孝定皇太后梓宮發引甲午祔昭陵

戊戌太常寺丞趙一鑑以夕奠梓宮遲至奪歲俸內官監某

受把總李貞等四百餘金募市馬應役致梓宮徐行下李貞等法司下內官於司禮監

召高宗還稅歸江西潘相并免承天守備太監杜茂

七月癸亥諭釋輕繫

己巳南京大理寺卿劉士忠卒士忠字華州人萬曆甲

戌進士授真定推官擢江西道御史著聲歷右僉都御史總

理河道轉令官予祭葬贈工部右侍郎

前少師兼太子太師吏部尚書建極殿大學士申時行卒時

行字汝默吳人嘉靖壬戌進士第一授翰林脩撰歷令官勅

使存問未至年八十予祭葬贈太師謚文定

辛未貴州新添平越叛苗平

是月辰沅苗作亂

丁亥追封朝鮮國王李瑄生母為次妃

辛卯前太子太保吏部尚書孫丕揚卒丕揚字富平人

嘉靖丙辰進士授行人拜浙江道御史進大理寺丞論去已

薦起右僉都御史巡撫保定轉右副都御史論去調南京起

應天尹歷南京右都御史予告起刑部尚書改吏部再任素

砥名節數被毀終不少變予祭葬贈太保謚恭介

甲午罷禮部右侍郎孫慎行慎行拜疏去上切責之方從
哲請許回籍

乙未右春坊右諭德兼翰林院侍講劉一燝顧啟元為右庶
子兼侍讀左春坊左諭德王毓宗為右庶子兼侍讀檢討趙
師聖為右贊善兼檢討

戊戌太子太保兵部尚書王象乾致仕

少詹事顧秉謙為禮部右侍郎協理詹事府教習庶吉士

癸卯大學士葉向高致仕進太子太師

丙午總督宣大軍務太子太保兵部尚書兼右副都御史涂

宗濬召還兵部巡撫湖廣右副都御史李德陽為南京工部

右侍郎太僕寺少卿添註馬從聘廣東左布政使山西右布

政使曹愈參陝西右布政使張鶴鳴並為右僉都御史巡撫

廣西雲南貴州太僕寺卿陳禹謨為右僉都御史撫治鄆陽

廣西左布政使林履為右副都御史巡撫廣西

少詹事孫如游為詹事 沈濯為南京禮部右侍郎南京

國子祭酒蔣孟育為南京吏部右侍郎

貴州鎮筸等處紅苗總掠

九月戌朔吏部奏列廢謫待起諸臣不報

辛酉大學士方從哲請召舊輔沈鯉不報

癸亥吳崇禮為兵部左侍郎兼右僉都御史總督宣大山西

軍務兼理糧餉

甲子夜月食

丙寅許由權嗣舒城王常澧嗣安東王

福王奏貸賣欵賜食鹽吏科給事中姚宗文言其不可不報

丁卯武昌地震

庚午諭停刑

山西河南地震

甲戌總督陝西三邊黃嘉善奏猛克什力諸犯懷遠保寧

官軍擊斬二百二十餘級

十 唐辰朔南京戶部尚書衛承芳改南京吏部尚書

巳丑趙祖芳嗣武靖伯

甲午效銘嗣沁源王

前南京通政司使徐申卒

辛丑論平緬夷功

丙午陝西道御史劉廷元論宣大總督涂宗濬遣官邀貢使

避難蹂進遂拜本兵

十月己酉朔予故應天巡撫陞兵部右侍郎劉應麒祭葬

庚申立太山天仙金闕碑

癸亥許榮世子常滾嗣榮王

乙丑夜火星逆行柳宿

陝西道御史劉廷元參李三才占厥盜皇木等不法令結內

侍起官不報

協理京營戎政兵部尚書黃嘉善進太子太保

丙寅河南道御史劉光復參李三才擅用皇木起宅侵東廠

地百餘畝時給事中劉文炳姚若水官應震御史劉弘元潘

汝楨等交論之俱不報

丁卯戶科給事中姚宗文等以福王請蘆洲請故相田地且

請立馬店鹽店炭廠竹廠山塲等廠令并食鹽而欲貨賣矣

宜申諭遵守成法毋惑群小

十月己卯朔吏部右侍郎李誌為左侍郎

壬午薊鎮總兵官蕭如薰罷

癸未許淮府翊毓嗣富城王

丙戌許益府由程封嘉祥王

己未前都督同知甘肅總兵官張臣卒臣字榆林衛人

起健兒累功至大將嘗戰棒槌崖斬級獨多議者抑之語次
至泣下年八十七子承胤

廣西歸德州土目黃餘率狼兵餘爭羅定田屯種村落不數
日衆至二千恣掠官兵大集而遁

癸卯夜月掩心宿火星

甲辰左庶子兼翰林侍讀韓爌為少詹事兼侍讀學士協理
詹事府纂脩玉牒右贊善兼檢討張邦紀為右諭德兼侍講
清理貼黃

乙巳故祿豐知縣蘓夢賜贈光祿寺少卿詹子入監立祠故

嵩明州吏目韋宗孝贈嵩明州同知詹監故嵩明州學正龍
旌贈國子監博士夢賜封川人歲貢

禮部右侍郎兼翰林院侍讀學士協理詹事府教習庶吉士
顧秉謙歸省

建州衛以五百騎叩關訴北關買婚

是月廣東崖州黎作亂總督張鳴岡分兵剿平之已貴州道
御史魯之賢劾其招寇媚璫謂諸黎不足兵也

乙卯萬曆四十三年

正朔申朔上不朝

辛亥昌平總兵官計輔寧夏總兵官姚國忠甘肅總兵官王允中俱劾免

丙辰禮部請瑞王婚禮禮科給事中姚永濟亦言之並不報
己未趙王常清謚曰穆蜀王宣圻謚曰端

壬戌前戶部尚書趙世卿卒

甲子命兵科給事中吳亮嗣往勘李三才盜木占廠事亮嗣報其實下其舍人法司時攻三才甚衆而所居實常材云
乙丑時福府承奉徐達文田山東擾民巡按御史趙日亨乞令有司亟徵三分輸府奏上如故

山西稅監張忠死歸稅內官張燁

福建右布政使竇子偁罷初高宗之愛子偁行至節鎮坊不入棘門兵科給事中吳亮嗣論其幸禍子偁遂決去

戊辰鞏昌地震

議築蕭山縣捍海石塘

禮部署部事右侍郎何宗彥言代府禹蒲實非濫妄子昂莎
實非嫡子今宜正其名不報

壬申總兵官李懷信鎮守甘肅杜文煥鎮守寧夏白慎脩鎮
守山西劉國光鎮守居庸昌平皆以原官

甲戌鞏昌地震

閣臣請東宮講學及瑞王婚

丙子前少師大學士沈一貫卒一貫字肩吾勤人隆慶戊辰
進士選庶吉士授編脩直講官歷諭德庶子少詹事進禮部
右侍郎改吏部夏去起禮部尚書直東閣累加少師兼太子

太師吏部尚書建極殿大學始善屬文員時名及在相好順
旨取容於妖書焚獄尤不愜人意遂損厥望而歛飭子弟尤
存敬畏二子祭葬贈太師謚文恭

丁丑王應麟為右副都御史總理糧儲提督軍務兼巡撫應

二 己卯外揚州地震

詹事孫如游為禮部右侍郎兼翰林院侍讀學士署院事同
劉楚先教習庶吉士

壬午太僕寺卿劉曰梧為右僉都御史整飭薊州邊備兼巡

撫順天

南京四川道御史汪有功言福府內侍李進忠擅祭告孝陵

不報

癸未泰州地又震

甲申南京署兵部事工部尚書丁賓以南京衛所官入京襲

職苦費其官皆國初世臣且貼黃在南京不同外衛請臣部

勘結會官比試類奏移咨兵部候襲從之

乙酉總河侍郎胡桂芳疾去

南京戶部右侍郎總督糧儲趙欽湯為戶部尚書

貴州仲苗劫掠殺指揮楊可久百戶劉應武

甲午巡撫雲南右僉都御史周嘉謨六年考滿加右副都御

史

丙申巡撫甘肅右都御史荊州侯為刑部右侍郎

壬寅雲南雲州土官改設丞官

甲辰銀定犯甘肅紅沙堡

是月益王常遷薨謚曰敬

三月未朔建州海西衛人等入貢建州日強每入貢千

五百人橫索車價毆驛卒當事裁之令在邊給賞至是止十

五人

戊申有星晝隕清豐縣之東派村入地其有五寸聲如雷
辛亥浙直織造太監劉成死遣內官呂貴收其稅課

壬子天津地震有聲

巡撫福建右僉都御史袁一驥言環球貢限十年既癸丑脩

貢昨冬十一月遣蔡堅貢馬遵前命勅還

丙辰順命天戶禱雨

遼東總兵官張承胤疾免

戊午予故吏部右侍郎李尚思祭葬贈兵部尚書

己未命陝西叅政分巡寧夏河西二道各攝本鎮學政

壬戌故遼陽叅將吳希漢下獄萬曆丁酉十一月，犯遼瀋

失事至是凡十一年案未結且謀起官被糾也

甲子楊桂以原官充總兵官鎮守臨洮

改福府食鹽於長蘆

己巳脩胡良巨馬二河橋

癸酉犯燕河路

四湖嶺石首縣兩款有大小紅黑

己卯犯曹路

辛巳許留山東稅銀半賑青登萊饑民

壬午宣府黃花鎮柳溝大火

癸未掖縣有鴉嘶火燬海神廟

諭脩靈應宮部科執奏上以先太后意不聽

庚寅福府隨校八百人譁於河南東門蓋千戶龔孟春族之

也巡按御史張至發以聞

巡撫福建右僉都御史袁一驥罷

蜀王奉銓府殿災

丁酉犯薊鎮馬蘭谷

己亥兵部左侍郎崔景榮署部事攝京營戎政

甲辰前協理京營戎政兵部尚書舒應龍卒應龍字全

州人萬曆壬辰進士知縣進部主事歷今階未取蓋

刑部侍郎張問連辭都察院署印

五朔午前南京禮部尚書王弘誨卒弘誨字瓊州安定人

嘉靖己丑進士選庶吉士授檢討歷編脩司業祭酒南京吏

部右侍郎改禮部進尚書致仕年十予祭塋

丁未巡撫山西右僉都御史吳仁度請給貧宗祿糧

戊申大學士吳道南入朝

已酉封侯拱宸謝馬都尉

京師風霾

傳制冊封諸王

蕪人張差業販薪內臣龐保劉成奉鄭貴妃命作佛殿於通

州陶瓦數員其薪直致狂疾持挺入慈慶宮門傷閹人李鑑

徑至前殿階內侍韓本用等收送東華門守備指揮朱雄蓋

東宮侍衛落宮門僅老閹二儀門虛無人殿上纔七八人

差欲扣閣訴二端不知為誤入東宮也

辛亥巡視皇城陝西道御史劉廷元奏張差語言顛倒似風

癩但宮門何地守衛何任尚可弗窮治乎

乙卯刑部訊張差論死時郎中胡士相岳駿聲趙會禎勞永

嘉

予故刑部右侍郎沈一龍祭墓

巡撫宣府右副都御史汪道亨滿考加兵部右侍郎

戊午刑部主事王之寀言臣今十一日飯因見張差非風癩

也臣問之云蕪人馬三道李守才喉從內臣某入京飯其家

俾我挺入宮門覬富貴乞廷鞠其情立見不報

已未司禮監左監丞張時改內官監右監丞提督太和山兼
分守湖廣行都司
辛酉戶部郎中陸大受言青宮何地男子何人幾驚儲蹕臣
子所不忍言乞時皇上下大奮乾綱務窮首惡消邪謀跡語有
奸戚蓋指鄭氏上惡之不報都督鄭國泰亦揭辨
壬戌有承妖見遼東白塔峪堡

刑部再訊張差如前律時王之深奏出輿議藉御史過庭
訓檄薊州知州戚延齡按之報風癩確甚有刑曹過右庶子
鄭以偉語時論相左以偉曰事涉親王俱廷臣公勘候上
裁今日何等事而以西曹擅自臆決違制多矣尚論意見之
柄鑿哉

乙丑再訊張差其喉從內臣則脩鉄瓦龐保其飯於內臣則
劉戒也請下二人法司

遼東長寧等堡自三月來火五作焚壞上策
套猛克等千餘騎犯延綏波羅堡

已巳諭增東宮護衛詰奸究

辛未諭內閣以張差事下法司究主使毋株連也奉
工科給事中何士晉言張差抵擊事關宗社安危旬日以來

似猶泄、豈王之案果無故發其難端耶不報
癸酉祀刻上詣慈寧宮告慰 孝定皇太后几筵徧召廷
臣入上練冠練袍西向 太子玄冠青袍侍皇孫三叙立
階下 上諭曰癩人挺擊於朕何與外議紛、爾輩誰無父
子乃欲離間我子適見刑部郎中趙會禎獄詞止磔張差龐
保劉成餘無辜母被及遂手太子示群臣曰此子極孝我甚
愛之爾等有子長大獨無愛乎御史劉光復後至不及聞輒
大言 陛下極慈愛 皇太子極仁孝 上怒其率呼緹校
何在無應者令內臣收之挺擊交下 上戒毋妄筭令直廬
待命方從哲請霽威勸 皇太子皇孫就學 上曰朕固知
之以大喪未便也因手太子曰若自六尺孤以至今日朕寧
有他意天性至親 祖宗聖母俱所深鑒且福王距此二千
里彼能翼而至耶 太子請亟誅張差母株累且曰外議紛
、爾輩為無君之臣俾我為不孝之子何也 上諭廷臣爾
輩聽太子言否乃退下光復刑部大學士吳道南自登第後
未見 上至是惶怖失措蓋王之案跡上舉朝喧然謂國威
有專諸之意皇貴妃亦危懼訴於 上命往東宮自白之貴
妃見東宮辨之甚力 太子遂奏懇 上出見群臣明其事

葉向高曰 先皇在位僅一月實錄所載多潛邸事脫草
日余與同官互閱皆以為允自余歸後言者闕然以挺擊
進藥移宮為非是得旨改正予思移宮事原未叙及其叙
進藥亦甚平惟張差事因王之案跡侵張太宰余偕同官
往問張曰此事之發生輩皆坐居不及知其詳公親識此
獄虛實云何張曰謀逆事真之案所發覺無一不實某當
時讞奏皆與之同何以罪我余又問風癩云何張曰此飾
詞也安可挺入宮門而可稱風癩者余與同官共聞朝議
亦皆如是故實錄稍採其說而詞亦委婉乃當時之言風
癩者遂耽、矣問官如岳駿聲遂上跡力駁時局已變無
出片詞言官從風而靡皆附命駁聲而之案被重譴矣余
念事關宮闈似屬曖昧但罪疑惟輕施於他事東宮何地
而持挺突入賴中官格之耳萬一進而不止跬步間便成
大難可但以風癩蔽罪乎當王曰乾告變云劉成龐保有
謀今復與之同似又不出於癩者之口 神祖覽二閣禁
中亦聖意淵微可以默喻也
徐時進曰劉侍御勃、不良寘對其區、私悞願吐而未
達久繫法不蔽罪可念矣 主上臨百官挈其子若孫與

百官公見之君臣父子喜起一堂盛事也閣為侍御代奏
或少更語激怒上皆不可知之事誠無策而處於此易
稱納約自牖要必伺其事會豈以今日需才亟、便得借
此為挽哉
談遷曰余嘗詢游入俱云張差狂疾脩怨於龐保劉成奮
其挺非有專諸莽何羅之計也王之寀筮宰清苑聲望不
著視獄時鈞張差隱語則銜二瑞刺骨故甚其口意至於
鄭氏非竊鉄之疑乎彼二瑞雖翔坤宮之重閣果有異志
莽之醜酒薰之毒餅不妨深秘乃藉手外人覲不可成之

事哉即挺而售

皇孫之齒長矣福即無可躡進又何利

焉故謂張差謀逆愚未敢以為然也總之闖入東宮風癩
死不風癩亦死無事深文景泰中立皇太子見濟是日有
妄男子盡擊儀仗豈彼亦甘心於太子乎何諸臣之未參
考也

甲戌張差伏誅

夏允彞曰張差處分之法不過始則嚴訊之繼則以二瑞
及差結局所謂化大事為小事也一時擾、紛爭其曲豈
可偏坐哉

乙亥司禮太監李恩同廷臣訊劉成龐保於文華門未承東
宮傳諭以仇誣輕之

初北關白羊骨有老女東西夷求之皆不可至是許煖鬼子
莽骨見大欲藉其援也邊臣諭止不聽建州衛

深

憾之以兵三千屯南關懼我撫順清河之將其後卒伏不動
日本源泉康以兵三十萬攻平秀賴於大坂秀賴敗入保內

城家康鑿地道放火秀賴等死之因分據其地收六十六州

六丙子朔刑部請出龐保劉成外訊上以龐保原鄭進劉成

原名登雲與張差所供異且皇太子奏貸母再時保成下

司禮監訊問

丁丑諭內閣以龐保劉成拷死其馬三道等刑部速具獄

閣楊秋劉光復不允

命百官脩省禱雨

庚辰兵部議連東參將祖天壽獵曹莊致蟒金等首入犯殺

擄六百五十餘人喪卒二百二十餘人

辛巳景東府地震越三日又震

癸未遣大臣禱雨郊壇社稷

丙戌諭吏部都察院戒科道徇情希恩

戊子刑部擬馬三道李守才孔道俱疎李自強李萬倉俱嘗
獄上從之

江西左布政使李長庚為順天府尹閔廷申章嘉禎為左右
通政劉汝康為南京太僕寺卿

庚寅冊瑞王妃劉氏

浙江江西福建湖廣山東山西河南廣東四川各增解額五
人廣西三人雲南貴州各二人南京增諸生解額七人監生
二人北京增諸生解額六人監生四人上更益南京三人
浙江二人

工部主事葉大受監脩胡良巨馬二橋帑金四萬署部事

林如楚言其節省若干上以沽名請大受

辛卯刑部擬劉光復杖贖上怒奪侍郎張問達俸二月司

官一年因擬大不敬論死

右庶子劉一燝為國子祭酒顧起元為南京國子祭酒右副
都御史蔡應科為南京右都御史前巡撫右僉都御史

為南京大理卿

前少保兼太子太保禮部尚書文淵閣大學士沈鯉字鯉字
歸德人嘉靖乙丑進士選庶吉士授

歷今官性狷潔忤同官沈一貫見內臣未嘗與
交言投利屢被誣構倪倅以歸年十無子予祭塋贈太
保謚文端詹尚寶司丞

山東布政司登萊道叅議姜志禮奏今五月二十日福府莊
田二萬頃派河南湖廣山東承奉徐進徵租登萊恣肆狂擾
自國初來以封王子弟有莊田二萬頃跨連三省者乎瑞王
惠王桂王倘以例請與之乎抑拂之也 上怒降廣西府兵
備僉事

庚子寧夏地震

吏部左侍郎教習庶吉士劉楚先為禮部尚書兼翰林院學
士攝詹事府仍教習尚寶司卿許維新被言調南京

壬寅命釋輕繫

癸卯追封崇世子常津為崇王謚曰昭

甲辰前禮部尚書兼翰林院學士陳經邦卒經邦字公望莆
田人嘉靖乙丑進士選庶吉士授編脩除慶中充東宮講讀
萬曆初轉諭德進侍讀學士署院進禮部右侍郎轉吏部左
癸未改詹事府教習庶吉士止何進今官自為史官至正卿
皆直講壽宮之役輔臣與言某某說時春命覆視不盡如輔

臣指因被言致仕年尚未艾林居三十年年八十予祭葬贈

太子少保

臨汾天鳴

是月全椒大水畿內旱

七月午朔翰林院編脩公鵬為國子司業汪輝為南京國子司

業

已酉發倉粟七萬石賑畿內時東安饑人畫奪

乙卯瑞王婚

福府左長史張士俊奏承奉樊用之罪

辛亥應天府尹黃承玄陝西左布政使分守西寧道

為右副都御史巡撫福建甘肅大理寺丞王士昌為大理寺

右少卿

予故南京禮部尚書黃鳳翔祭葬

丁巳右庶子周道登為左庶子右諭德溫體仁為右庶子管

理誥勅翰林院脩撰楊守勤編修吳宗達為左右中允

吏科給事中梅之煥言聖政漸寬跡通言路不宜獨塞奪歲

俸

庚申何宗考改禮部左侍郎孫如游以右侍郎還部

壬戌甘肅撫按荆州後董定策請開武科本鎮云一道兩試
真保之已事可尋列鎮開科遠宣之成規見在從之

丙寅太常寺少卿史孟麟請冊立
皇太孫上怒請兩淮
鹽司運判官添註

王永恩嗣靖遠伯

戊辰駙馬都尉王昂請釋劉光復
上怒削籍放歸

山東大旱蝗青登萊為甚多饑盜

甲戌諭停刑

乙卯亥朔楚雄府地震聲如雷

壬午巡撫貴州右僉都御史張鶴鳴討仲苗分六路進師

丁亥發臨清德州二倉米各十萬石平糶畿內山東

壬辰巡按遼東御史王雅量言建州衛
既吞南關

無日不圖北關也懼吾之涉其地是以返地立碑窺釁乘隙

藉口老女今老女嫁矣我不能阻老女又要能阻夷酋耶今

欲加兵建州必曰立碑納款吾未嘗貳而北關改嫁吾聘女

如何罪我緩急之間似宜酌計宜戰毋退宜守毋進上然

之

甲午報西
虎墩兔愁聚眾塞外謀犯河西

丙申禮部請禁科目走報從之
丙午閣臣請釋劉光復不報

是月京省主試順天左諭德龔三益左中允楊守勤應天右
諭德周如磐右中允孫承宗浙江翰林院編脩吳宗達工科
給事中劉文炳江西編脩黃儒炳兵科給事中吳亮嗣福建
檢討來宗道刑科給事中姜性湖廣檢討丘士毅刑科給事
中姚若水河南吏部主事周士顯兵部主事梁之垣山東刑
科給事中郭尚賓禮部主事徐瑛山西吏部主事米助工部
主事王道元陝西光祿寺少卿周希聖兵部主事潘潤四川

禮部主事盧維屏大理寺評事顧起鳳廣東戶部主事包見
捷刑部主事陸夢龍廣西刑部主事郭中宗中書舍人董承
詔雲南戶部主事楊瞿峽行人陳所志貴州工部主事趙明
欽行人鍾惺

閏八月己朔命內官呂貴暫提督浙江織造閣部言之不聽命

江西稅監潘祖檄催福建廣東稅課

盜入安立劫庫出囚知縣梁聘孟走免時蒙陰沂費濟陽昌
樂俱盜起沂水知縣任光統妄報孟哲等數千人倡亂巡撫
錢士完遽以聞有囚王濯詐降賊俾引旗巡視濯密戒諸囚

無動、且死矣陰約知縣擒賊令城外人鈞聲脅賊灌宣言
曰官兵至矣宜走賊出未半灌圍門手刃一賊號召吏民命
鄉兵各去其帽曰首絳者賊也立斬十餘人於是邑人逐賊
殲之庫金還官身仍入獄命釋之聘孟削籍

丙午禮部請惠王桂王選婚

丁未脩南京奉先殿成

庚戌作三殿箭樓

辛亥通州漕舡火失米四千六百四十二石

甲寅宣延綏甘肅之捷共斬三百九十餘級

發山東稅金六萬六千有奇及臨清稅金四萬賑饑

己未南京吏部尚書衛承芳卒承芳字達州人隆慶二

年進士知縣進部主事歷南京兵部尚書改吏部予祭

葬贈太子少保辛酉虎墩兔懸以五萬騎犯廣寧正安堡次日去

癸亥套吉能挾賞不遂以數萬騎犯延綏西路輒井寧塞

中路波羅殺把總掠東路大柘油柘林高家神木等

堡孤山副總兵孫弘謨神木游擊萬化孚馳援化孚僅身免

弘謨被執失亡千二百五十餘人

時福王改長蘆食鹽巡鹽御史牟志夔言祖訓親王食鹽三

百引每引二百斤即以行鹽地辦支未有舍近地越二千里
支取且溢額非法也因列五不罪不聽

丙寅巡撫保定右僉都御史王紀考滿加右副都御史

虎墩兔慙以六千騎犯錦州大鎮等堡

刑部請暫免朝審從之

夜有星流東南大如盞色赤有光

戊辰禮科給事中姚永濟等以氣景失推請集人訂曆如翰

林院檢討徐光啟工部郎中李之藻戶部主事崔儒秀原任

陝西按察使邢雲鷺此皆其人也又大西洋人龐我迪能三

拔等洞星曆之學可佐叅伍之資報聞

己巳東安霜殺禾稼

虎墩兔慙六萬騎分五枝入犯官兵拒之出大安堡設伏敗

官兵堡陷

庚午陝西寧州有盜數十騎殺襄樂巡檢司李素劫印去

命沐昌祚仍鎮守雲南子啟元待昌祚老聽襲

九朔戎朔西火落赤犯清水營

丁丑江西湖口稅解火

兵部左侍郎魏養蒙署部事左侍郎管右侍郎事崔景榮協理

京營

己卯莊浪副總兵楊定國貪殘劾免

庚辰許周府左鎮襲海陽王

戊子順天府尹李長庚請粥饑民從之

辛卯夜遼東地震聲如雷

壬辰大學士吳道南請罷湖口商稅不報

永康侯徐應坤卒

戊戌南京戶科給事中王建中言今六月嘉善縣人稱萬曆

九年被豪戶朱均等隱田三萬三千五百畝於嘉興秀水全

不輸糧乞勅戶部下撫按行勘從之

庚子遼東總兵官李懷信免

十月丙寅先是七源州叛夷吳敬琳餘黨謝之安等派劫下石泗

州我檄安南都統使黎維新及莫敬寬擒之按臣以聞

庚戌總督漕運右都御史陳薦考滿進戶部尚書兼右副都

御史仍任

辛亥光祿寺卿王度卒度淮安人萬曆丁丑進士授推

官歷今官予祭葬贈戶部右侍郎

壬子右庶子兼侍讀趙國光為少詹事兼侍讀學士署院事

右庶子兼侍讀成以弘署右春坊右諭兼侍講周如磐為右
庶子兼侍讀署司經局右諭德張邦紀何如寵南京右諭德
署翰林院事孟時芳各為右庶子兼侍讀左贊善趙師聖為
左諭德兼侍讀

癸丑套吉囊等臨邊脅賞且謀犯延綏巡撫馬從聘等執
不與

辛酉京師地震東安密雲潮河川同時有聲

癸亥蠲減山東田租有差

甲子遼東總兵官王梟戴罪叅將李懷忠下臺訊

乙丑前吏部考功郎中董應舉為南京大理寺右寺丞

戊辰時爭福王食鹽上諭內閣曰昔潞王食兩淮鹽三年

改長蘆今福王先食淮鹽一年改長蘆二年後支河東鹽閣

臣附奏不報

盜入北安左門劫酒醋局內官焦進朝

唐午巡撫寧夏右僉都御史梁問孟卒問孟字新鄭人

嘉靖乙丑進士知縣擢科給事中歷布政使忤張

居正降湖廣叅議累遷今官予祭一贈左副都御史

懷仁王府輔國中尉充鮮入京奏釋劉光復上怒下鳳陽

高墻

十一月辰河南道御史翟鳳翀論閣臣方從哲葉向高佐理無能不報

朝鮮國王李暉奏前貢使市吾學編弇山堂別集經世實用編續文獻通考各紀本國事如舊平錯乞刪正禮部覆李成桂會典已改正今又來請乞閱其誠以原奏付史館俟纂脩成案示天下庶白其寃 上然之

禮科給事中余懋孳請脩弇災異不報

乙未蠲折通州三河寶坻密雲平谷災租有差

丙申陝西總兵官官秉忠免

壬午南京右都御史蔡應科請章奏戒兇晦戒沿襲戒深其

戒沿襲如稱輔臣不曰王家屏沈鯉而曰山陰歸德不曰高

拱張居正而曰新鄭江陵又或稱官及地不曰吏部尚書而

曰太宰不曰戶部郎中工部員外郎而曰度支郎將作官屬

不曰北直南直浙江雲貴而曰燕吳豫越滇黔諸如此類皆

所當戒

杜松擊西 於明水湖斬四十二級又敗火落赤於柳門斬

百九十九

己丑命京省簡練民兵從陝西巡撫李楠之請

壬寅禮部再請止納首上然之

十 丁未郭祚父嗣成安伯

太僕寺少卿李燦為光祿寺卿

壬子旌岷王定燿德壽

總督宣大尚書涂宗濬疾去

南京工部右侍郎李待陽卒待陽字

進士知縣進部主事歷右僉都御史巡撫湖廣予告起

今官所著理學臆言義倉漫語古今一賢難字備考湘川野

史談齋集帖等書卒不能殯予祭葬

乙卯巡撫山東右僉都御史錢士完奏饑民九十餘萬多盜

劫亟乞部臣一駐遼東運米十萬石救遼東又部臣一駐淮

揚運米二十萬救東省從之

丁巳兵科給事中熊明遇請及時經理遼陽跡海禁撫建州

區畫北關不報

癸亥前國子祭酒周如砥卒

乙丑寧夏河東西地大震

丙寅國子祭酒劉一燝為少詹事兼翰林院侍讀學士纂脩

玉牒

命戶部借太僕寺馬價銀十六萬再發臨清倉粟六萬賑山東饑又平糶米六萬石

丁卯葬恭靜端毅溫惠皇太子妃郭氏於翠微山

戊辰以工部右侍郎林如楚請停呂貴勅遂奪盡司官俸二

月

巡撫貴州張鶴鳴請大征仲苗

是年永年縣西劉營村地裂五六丈衡可二尺深不測

丙辰萬曆四十四年

正月申朔上不朝

提督巡捕營凌應登毆御史凌漢卿於端門二人俱長洲通宗而漢卿巡城敢搏擊豪猾以應登不謹踈之會應登脅妖民王好賢四千金漢卿發其事應登亦許漢卿令福清時賄狀俱不報是日出朝應登以鉄鈎突傷漢卿事聞奪應登官聽訊

乙亥吏部左侍郎李誌為刑部尚書仍署都察院事

丁丑易州及紫荆關天鳴源泉有火光墮地化為裂石

禮科給事中徐懋孳御史李養志各劾凌應登上疑果族

人奪懋孳俸六月養志一年

其談遷曰同姓通宗始萬曆之季又始於南人鳳行羶慕附
勢而合即無應登之反噬非所以示我周行也

丙戌蠲畿南六郡田租

丁亥夜月食

戊子忻城伯趙世新總督京營戎政寧夏征西將軍總兵官

杜文煥改鎮西將軍鎮守延綏大同副總兵張萬邦為山西

總兵官鎮守山西

貢士張琛張士偉除名

壬辰勅諭入覲官

遣監察御史過庭訓賑饑山東

戊戌隴州天鳴

己亥勅內官呂貴提督浙直織造稿下內閣上手增鹽法

稅務閣臣請刪從之

辛丑禮部定會試同考官坊翰十二人科部各四人上從

之

前南京工部尚書林煙卒予祭葬閩人壬戌進士

二 五月寅朔淮徐饑發去年稅金萬六千有奇易粟賑粥

青州貢士張其猷工東人大饑指掌圖

丁未禮部尚書兼東閣大學士吳道南署詹事府事禮部尚

書兼翰林院學士劉楚先壬禮闈

巡撫山東右僉都御史錢士完疾去

總督陝西劉敏寬報沙計諸酋入雙山建安堡有降夷泄之

總兵官袁忠等設伏斬二百二十餘級

戊申渾河徙東安縣

辛亥總兵蕭如薰為征西將軍鎮守寧夏王宣鎮守保定麻

錦鎮守廣東

丙辰前刑部尚書沈應文為南京吏部尚書

丁巳總督薊遼兵部右侍郎兼右僉都御史薛三才考績加

右都御史

戊午凌漢猗罷戊凌應登瀾滄衛

大理寺卿姬思仁為應天府尹

總督兩廣周嘉謨請禁土州奸民勾引交夷

乙丑前刑科給事中郭尚賓謫江西布政司簡校御史翟鳳
卿謫山西按察司經歷

丙寅陝西左布政使李維翰巡撫遼東順天府尹李長庚巡
撫山東太僕寺少卿錢桓巡撫南贛汀韶長康右副都御史
餘右僉都御史

免長蘆鹽課司浮課

戊辰會試吳江沈同和第一以帶細冊入闈有未備者同邑

趙鳴陽助完之

禮部右侍郎史繼偕改吏部右侍郎前太僕寺少卿徐屯魁

為太僕寺卿

三月未朔日食

逮前電白知縣崑山周玄暉下刑部獄玄暉家居著涇林續

記怨家張惟惠以知縣陳祖苞嫌之增涉時事祖苞工巡撫

王應遴督學御史王以寧各重劾謂排誣朝廷上閱其首

簡涉於宮闈命焚板

談遷曰實錄云玄暉家居雄於貨而好譏議所著涇林續

記牽涉時事干宮禁亦書之會與邑令忤鄉人乘之冀快

宿忿以排誣朝廷訟之者數百人余聞周氏隣張而居雖

宿念而填填辟亦可為溢墨之戒語曰縣官漫而寃死
者半周氏亦云悲夫

大學士吳道南禮部尚書劉楚先自簡舉求斥同考官吏科
給事中韓光祜自劾 上俱原之命覆試沈同和無以應械

禮部前遣成趙鳴陽除名
丙子分祀石門路大毛山叅將任自殫拒卻之

庚辰夜月犯軒轅大星
命兵部發太僕寺金六萬濟雲南以剿仲苗也

辛巳南京國子祭酒顧起元左庶子周道登為少詹事 諭
德趙師聖為右庶子國子司業公鼐為左諭德 中允楊守

勤 贊善薛三省為右諭德左庶子溫體仁為南京少詹事
署翰林院事

壬午總兵官李楷黃越黃守魁為署都督僉事楷鎮守貴州
越鎮守廣西守魁鎮守四川

癸未總兵官劉孔胤鎮守宣府霍廷報鎮守臨沅李邦鎮總
督漕運鎮守淮安

乙酉策貢士三百人賜錢士升等進士及第出身有差
戊子安南入犯思明州叅將趙廷等赴援卻之廣西巡撫

如以聞
丙辰覆試沈同和文荒悖下法同遣成趙鳴陽除名

礦盜突入靈寶縣

戎子南京左軍都督府僉書李光先兼督浦口池河二營軍

務右軍都督府僉書喬承恩兼督大教場水陸二營軍務神

機營副將朱拱極提督京城巡捕

巡按山東御史王雅量以登萊饑請海運命部議之

交岡叛酋刁春琪等誘交賊據雲南五邦五訛等寨官兵擊

斬七十一級

犯遼東寧遠前衛小團山叅將線補衣禦之追至黃土臺

大至圍數重游擊楊維藩死之補衣手殺數人中二穴突

出還營數日死贈補衣維藩俱都督僉事

是月松犯蘆溝墩等處官軍擊斬三百餘級

四劫貢朔禮部進會試錄時會元沈同和除名

丙午雷火焚通州稅監張燁樓居巡視東城御史金汝諧以

聞請罷稅監不報

丁未夜東南有流星大如彈赤色

唐戎少詹事劉一燝為詹事兼翰林院侍讀學士

總兵官李維功徐一鳴王良為署都督俞事維功鎮守遼東
一鳴鎮守福建良鎮守浙江總兵官張承胤鎮守薊永山海

癸丑巡撫大同右都御史石崑玉疾去

甲寅前兩淮巡鹽御史徐縉芳以貪酷削籍

勅旌梁山貢士來知德孝行知德少有至性鄉試考官擯其
文忽有神屢移卷凡工乃入選

丙辰故少傅兵部尚書蕭大亨贈太傅

戶部左侍郎李汝華為尚書

戊子前撫治鄆陽右副都御史胡心得卒心得德清人萬曆

己丑進士予祭葬

河南舞陽泌陽西寧遂平等縣盜起山東濟南等府蝗

乙丑叙遼東累年戰功

五朔未倭犯溫州

夜潮州三河水驟溢浸官署五六尺

丙子福王莊田額湖廣四千四百五十頃未報王奏量減千

頃

癸未奉高孝定太后神位奉先殿

丁亥巡撫廷綏右僉都御史馮從聘罷

已丑翰林院庶吉士葉燦陳玄暉劉鴻訓為編脩姜逢元曾
楚卿繆昌期李國禧王應熊馮銓王祚遠羅喻義孟紹虞為
檢討時解館殆十月始得命餘擬科道暴謙貞等五人尚未
下

巡撫四川右僉都御史吳光先致仕
甲午封秦世子存柩蜀世子至澍富順王至深太平王至淶
淮世子常清榮世子由柘晉府寧化王敏濟周府汝陽王在
植
江北山東大蝗積地尺許俄赴海死或蜂螫之死亦化蜂群

螫之兩日而盡沃人集淮工三十餘萬
丙申夜江寧有鼠啣尾渡江可終日鼠各長二寸餘頭方尾
短嘴不異於家鼠
是月江淮訛傳寇至民驚竄互相格鬪

六月寅巡撫遼東右副都御史郭光復卒光復固安人萬曆已
丑進士授戶部主事歷今官予祭葬贈兵部左侍郎廕子入
太學
工科給事中劉文炳請貴州按察司都事初吳道南直閣例
名刺報謁文炳擲還之云莫效嚴嵩至是以科場極詆道南

道南不勝忿踈辨工怒斥之巡按河南御史張至發廣東

道御史李嵩等各奪俸六月

巡撫寧夏右僉都御史楊應聘考績加右副都御史

琉球國中山王尚寧遣通事蔡廬奏倭數萬造舟五百艘欲

有取雞籠山巡撫福建黃承玄以聞

駱駝等酋犯潘家口總兵張國柱卻之

丁巳南京右僉都御史羅朝國為工部右侍郎翰林院編脩

駱從字為國子司業

平陽開封蝗蒲解馮陵為甚

己未山東武安盜三千人殺主簿孫光耀

壬戌光祿寺卿李燦卒燦字嘉魚人嘉靖己丑進士有

學行贈戶部左侍郎

丁卯河決祥符之朱家口陳杞睢柘俱被其患

巡撫貴州右僉都御史張鶴鳴報斬仲苗千四百人以暑疫

俟秋再舉

安南祿州夷數千人攻廣西上思州城官軍禦卻之

七月己朔前陝西按察使邢雲鷺上七政要數其略曰凡步曆

之法必以兩交相對彼交即此交此交符彼交兩交正而中

間時刻分秒之數度自一一可按七政之行其數皆同日月之交食即五星之交食五星之凌犯即日月之凌犯以同度同道也胡月月食為日月交五星在黃道間合復為日與五星交月與五星凌犯為月與五星合木星與火星凌犯為木星與火星交推之五星莫不皆然故兩交相對互相發明七政之能事畢矣

甲戌陝西右布政使金忠士為右僉都御史巡撫延綏山西右布政使王士琦為右副都御史巡撫大同壬申錦衣衛指揮使駱思恭為都指揮僉事署衛事

甲戌大風雨拔木折安定門及皇城北中門東上門闕

禮科給事中余懋孳言卜石免力不能鈐東青犯故封事成而歲費益增當事既不練武預卻其貢則當宜如期以示信今補貢四十二年表箋弓矢鞍馬等物收進賞賜物臨期不發問之工部委內庫問之內庫云抵張灣未輸得毋鋪墊之需索而經收之留難乎候諭半載倘生戎心此曹何以謝罪不報

已卯渾源州地震

禮部工部皇太子出閣儀注

壬午夜江西見大星流入貫索二星隨之
乙酉巡撫貴州右僉都御史張鶴鳴議處紅苗上策如嘉靖
間張岳例十路進兵中策湖廣設一副將駐十二哨中戍三
千人截江口使川貴苗不得東一蜡苗不得西四川設一副
將駐酉陽戍三千貴州銅仁總兵增戍二千各出兵鵬剿若
下策川湖犄角各守要隘來則截去則不追章下所司初苗
圍施秉縣四衛皆震約湖廣兵共剿不應反撓之請設總督
亦不聽功竟無成蓋與楚監司齟齬事馮濟
戊子前少保兼太子太保兵部尚書方逢時卒逢時字

嘉魚人嘉靖辛丑進士知縣

歷今官年十予祭葬

前右副都御史李起元巡撫陝西

壬辰河南安陽諸縣大蝗捕不能盡田婦至道泣自經淮揚

亦蝗有鼠無萬數夜啣尾渡江而南經日止

謚益王常遷曰敬東安王載環溫韓府樂平王謨桐莊簡

諭選惠王婚閣臣請同柱王不報

乙未奉御汪良德奏脩咸安宮得旨內使馳白署工部事右
侍郎林如楚閣臣言旨必發內閣下該科今二監突傳部臣

之私却非制不報

套不犯東路先數騎覘高家堡參將王國興不待兵集遽亦

騎邀之冲伏死

江西忽大水壞民居浮屍蔽江南雄韶州大雨水

五月寅皇太子出閣講學蓋曠期十有二年是日詹事劉一

燝少詹事韓爌侍班右庶子張邦紀趙師聖左諭德公鼐右

諭德龔三益薛三省楊守勤侍講中外大悅僅一見而輟

乙卯萬壽節加稅監河南胡江江西潘相通灣張燁天津馬

堂四川丘乘雲南京劉朝用歲祿十二石賜呂貴飛魚服

丙辰庶子盛以弘為國子祭酒周如磐為南京國子祭酒

丁巳懷寧侯孫承蔭署府軍前衛

戊辰延慶州地震日中有黑光

江北飛蝗南及常鎮

九月己卯套不犯延綏

甲戌溧陽溧水等大水廣德

癸未左右諭德公鼐薛三省主武闈

己丑謚周府駙陵王在裕莊和樂昌王廷壻端憲

壬辰禮部請補給蜀王賜書如祖訓王國典禮等以舊燬於

次也
乙未免江北抽扣節省銀

丙申激江地震
羣見雲南長數百尺

十朝丑套猛克什力復犯波羅堡總兵杜文煥豫備擊敗之

斬四十一級

提督鳳門三關右僉都御史吳仁度疾去

前巡撫廣西右都御史吳中明為南京戶部右侍郎兼右

僉都御史總督糧儲

銀定及青等二千騎夜犯永昌參將祁秉忠提兵三百拒

之決日援遂斬二十餘級

丙午太僕寺卿饒景暉為右僉都御史巡撫四川

丁未發帑三十萬金餉宣府餘八十萬下戶部借發

協理京營太子太保兵部尚書黃嘉善為兵部尚書

諭停刑

丁巳署詹事府事禮部尚書劉楚先吏科右給事中韓光祚

屢乞休不報竟引去

甲子夜大風壞正陽門橋坊

十一月戊辰朔前總督漕運巡撫鳳陽右副都御史李三才劄籍
三才居通州以市皇木侵倉址勘實也

故總督兩廣兵部右侍郎晉南京刑部尚書張鳴岡祭塋鳴
岡萬安人萬曆庚辰進士

己巳夜陰德殿災殿偏宸后工甚惡

癸酉命順天尹禱雪

丙戌夜月掩軒轅左角星

丁亥南城延禧宮災

前太子太保禮部尚書東閣大學士李庭機卒庭機字九我

晉江人萬曆癸未禮闈第一進士及第授翰林編脩文章溫

穆有先民風歷祭酒署禮部所至清苦節束浮冒寡實用計

經久稍狷隘不能容物入相忤時待放虛拘無一日展予祭

塋贈少傅謚文節

戊子刑部右侍郎荆州俊疾去

夜大風東安縣樹枝柯成火越民舍多有之大如瓜

甲午雲南大雷電

是月木星順行守斗

十二月丁酉朔國子司業駱從宇南京國子司業汪輝為左中允

編脩黃儒炳為右中允檢討丘士毅徐光啟周炳謨黃立極
為左贊善來宗道韓文煥魏廣微凌凌霄為右贊善

丙午夜火星逆行翼宿

發遠夷王豐肅等於廣東聽歸本國俱利瑪竇後人以在京

生事也

戊申大學士吳道南請皇長孫就學不報

方從哲考績進太子太保文淵閣大學士詹中書舍人

辛亥總督蒞遼兵部右侍郎薛三才為兵部尚書協理京營

戎政總督兩廣兵部左侍郎周嘉謨為南京戶部尚書浙江

左布政使陳所學為右副都御史巡撫山西

遼東清河游擊馮有功下巡按御史王雅量訊之清河偏建

州衛以金石臺為界漢人例不出境有功採孤山堡之木縱

居民出界一邀殺四十餘人督撫檄讓之佯悔罪受

罰誅奸黨十人於界上有功臺訊戴罪俟贖

兵部尚書李汝華以山東同知袁世振鹽法十議見引二

分帶行積引一分並上從之時准鹽以內監魯保加課鹽引

積壅

癸亥刑科給事中姜性請釋輔國中尉充劓駙馬都尉王昂

不報
韓府承奉張國輔貪悖欺王幼求坐不許因面謾王王弗堪
泣訴於監司諸臣遂執送儀衛司事聞命治之
土司韋
購交夷侵內地恣掠

丁巳萬曆四十五年

正月朔工不朝

乙亥禮部以五年例議謚先臣戶部尚書雍泰譚太初余懋

學南京吏部尚書畢鏘裴應章刑部尚書趙參魯魏時亮戶

部尚書汪宗伊林洋禮部尚書黃鳳翔曾朝節兵部尚書張

佳胤魏學魯刑部尚書王之誥工部尚書劉一儒吏部侍郎

楊起元盛訥戶部侍郎董堯封禮部侍郎教文禎刑部侍郎

段民朱鴻謨何源王宗沐李崇工部侍郎沈節甫南京兵部

右侍郎姜廷頤工部右侍郎王治都察院副都御史龐尚鵬

李中僉都御史張允濟山西巡撫姜洪太常少卿周怡南京

光祿寺卿馮理祭酒陶望齡傅斯德脩撰楊慎給事中賀欽

御史陳茂烈郎中黃鞏莊臬提學副使李夢陽僉事朱冠馮

應京霍州學正曹端共四十四人
辛祀方從哲吳道南請京察之期不報

夜月食
宰賽等犯鎮夷堡開原城官兵失利

壬午東朝房火
太常寺卿林學曾等請釋劉光復不許

庚寅兵部以套丁吉能乞款議補七年市賞先是吉能覲封
王金印并龍虎將軍號不遂因入犯東路大柘油西路定邊

等處屢敗悔罪獻罰九九鑽刀設誓九九者駝馬牛羊之類
地兵科給事中趙興邦言一歲兩市金繒費八萬有奇七年

三間幾六十萬如歲資我芻餉則士飽馬騰即長驅不庭也何
何臣恣犬羊之求填豁壑之欲示弱至此哉下部議仍咨督

撫議歲一市其舊賞半給報可

二月丙旌德王常清賑饑
己亥旱遣告郊壇諭群臣脩省

庚子夜火星逆行入星度
丙午許駙馬都尉侯拱宸子昌國為錦衣衛都指揮使

己酉諭內閣曰朕多疾視朝等禮吏部不必瀆擾

恭安歷城章丘萊蕪等乘饑盜起巡撫李長庚分兵剿捕之
庚戌福王常洵庶長子由崧封德昌王

旌魯王壽鉉賑饑

辛亥外戚武清伯李誠銘進封侯

壬子予故左都督鄭國泰祭葬

郭應祺嗣武定侯

戊午先是上憂旱露禱宮中至丙辰始雨雪

三癸卯始京察重處東林王之采輩如竇子偁陸文瀛皆至清

被斥輿論不平

乙亥許稅金二萬賑江西水災

戊寅科道拾遺前兵部尚書王象乾等

壬午封德王常馨庶九子由椅寧陽王

兩淮鹽法通判吳樞謙上太平策一第謂借屯田之名行井

田之實假田工之力嚴溝洫之制更樹榆柳梨棗等木於界

江一資利

乙酉前左副都御史許弘綱為右都御史兼兵部右侍郎總

督兩廣軍務兼巡撫廣東前兵部右侍郎汪可受為兵部左

侍郎兼右僉都御史總督薊遼保定軍務

巡撫貴州右僉都御史張鶴鳴發監軍安平道參政謝
都司張鶴翀等提兵分三路攻叛苗之獠坪獠坪上有仰天
窟下有九井地平行可容數年入有三道各有關險不易度
賊窟之官兵奪其險破斬三百七十七級

四 明末朔張鶴鳴奏剿川屬土官官兵南北二路擊斬二千九

百六十餘級

董其昌曰川屬土司改隸黔中本以勢險聯絡耳計不出
此而討苗討安干戈日尋川原山谷厭肉沃血居中調度
者何人哉

談遷曰張鶴鳴在黔用壯之甚銘鋒梓鎬惟敵是求及移
樞遠左則畏東明如虎縮胸不前何銘於始而萎於末乎
古人見小敵怯大敵勇張氏反是天道神明人不可多殺

晚中魁刃得非西南之冕陷耶
交賊督勝犯思明州殺掠那利村下石州土官開國藩遜於
那利江遇賊死
更亥鄭養性特襲左都督以父國泰前送 孝定梓宮也兵
科給事中趙興邦奏止不聽

巡按貴州御史楊鶴議烏撒府改隸黔中控制便守衛便驛

進士除瑞州推官進戶部主事出守廣西歷會官所至皆有
聲聞

癸酉福建有臺山游兵二冊洎日本回者被阻執見海道副

韓仲雍其人董柏挺云長岐島即肥前洲也專監市販合頭

相柴田勝來販問其何以侵雞籠淡水何處北港何內掠俱

以冊言對仲雍諭以爾經自浙境浙南為臺山為礮山為東

海為島坵為彭湖為彭山比我門戶非汝所可涉也因遣官

傳送定海所而去

甲寅封慶世子倬渥樂安王胡濬

丁巳兵部左侍郎魏養蒙罷崔景榮署部事

己未巡撫河南右僉都御史梁祖齡劾罷

庚申通政司使林梓左通政章嘉禎俱察免

辛酉武英殿辦事大理寺副邢仕隆捐穀千石賑饑

五月丑少詹事韓爌為禮部右侍郎協理詹事府右庶子張邦

紀為右庶子一諭德為右庶子左贊善鄭以偉為諭德

免順天永平過路落地二稅

己巳順天府丞喬允升罷

辛未復流墩免慈市賞

...

癸酉復移清浪守備於施秉縣以叛苗攻縣舊戍二百五十

人

福建東沙洋飄倭船五艘凡二百餘人登山叅將沈有容攻

之明日大舟一渙舟之外至擊沉之縛倭三十三人餘所獲

五

甲戌鳳陽天鳴地震

乙亥又鳴震

光祿寺少卿添註周希聖為左通政

丙子遣文武大臣祭告知壇祈雨

丁丑吳尊周嗣清平伯國乾子

戊子太常寺少卿林學曾為右通政

湖廣叛苗龍溜誘殺指揮魏繩武

六甲午朔諭德龔三益為湖廣叅政

乙未兵部左侍郎崔景榮言天下見任大小將官各歷俸以

冊職武舉等項詳揭堂屏從之

丙申夜南京江寧有鼠無萬數赴江東門外圩田禾稼俱空

庚子巡撫貴州張鶴鳴報斬叛苗一千二十六級

壬寅封趙王由撥益王由本嘉祥王由橙建寧王由棟寧陽

王由椅承壽王存榮王由本無孫王由致武孫王由山野孫
戎申叙甘鎮斬獲功前總督尚書顧其志進太子太保蔭錦
衣衛副千戶加前總兵柴國柱右都督蔭世罔承孫與
庚戌故巡按貴州御史馮奕垣贈光祿寺少卿以平苗功
己卯戶科給事中高周祚言本月十日文革殿傳制冊封豐
城侯李承祚後至引罪凡不到諸臣輕則任俸重則更差乞

降處分

是月承天大水

開封蝗秋騰生

七月丑大學士吳道南憂去

戎辰禱兩郊壇

夜雨雹有怪風吹折社稷壇門闕斃守卒午門東華等門鳴

吻俱隕

辛未旌周府宗正勤羨致行

壬申景恭王妃王氏薨

丁丑太子少保吏部尚書鄭繼之六年考績進太子太保

巡撫寧夏右副都御史楊應聘為兵部左侍郎兼右僉都御

史總督陝西三邊軍務巡撫江西右副都御史王佐為工部

左侍郎兼右僉都御史總理河道巡撫保定右副都御史王
紀為戶部左侍郎兼右僉都御史總理漕運
戊寅夜月食
壬辰給麓川宣撫司多安靖印
時山西大旱江北山東蝗泉州大水饑疫

八 申午開州民家產牛三口三日

戊戌方從哲請補閣員報聞

宣府天鳴地震

巡撫延綏右僉都御史金忠士奏邊將失守之律重一嘗脅

邊將曰我一入犯爾罪立至故邊將嘗利啗之使使其或凍

或西而不出於所轄之境嫁禍於隣似宜寬文網以責成之

命代府盧世子位侯鼎藩子長

總督兩廣周嘉謨檄安南黎氏莫氏擒渠惡贖罪

唐成東安縣天鼓鳴

是月隕石於武城縣三聲如雷濟南地裂者二安丘大雨雹

傷稼二龍野闕傷人

九 甲子狼山副總兵張彥芳為總兵官鎮守貴州前遼東總兵

為新設山海關總兵官

戊辰予故太常寺少卿常熟翁憲祥祭一萬曆壬辰進士
丙子予故巡撫湖廣右僉都御史安肅梁現孟祭一萬曆己
巳郊予故巡撫貴州右僉都御史新建張德祭一萬曆己
巳酉山西左布政使靳子中為右僉都御史巡撫保定提督
紫荆等處兼理海防軍務

十 壬辰朔代王庶子錫薄封代世子

山西右布政使文球為右僉都御史巡撫大同

庚戌朝鮮國王李暉言正月日本對馬島王平義成遣使以

日本國王源秀忠書欲遣使通好及歸朝鮮俘口謹以聞兵

部議不宜遽絕該國自為酌計 上是之

五 甲寅巡撫雲南右都御史曹愈參疾去

己未暹羅貢方物孔雀

蜀折應天各縣災租有差

十 甲子王牒成進駙馬都尉侯拱辰太子太保

甲戌鄭應麟嗣武定侯

丙戌方從哲屢請補科道各官有旨俟日疾稍愈行之

宣禧宮災

十 乙丑辰朔

己巳禮部請申飭學規報可

丙午河南左布政使沈倣為光祿寺卿

己酉科給事中歸子顧為尚書司卿

癸丑予故巡撫右僉都御史祥符王垓祭墓隆慶戊辰進士

十一月十七日

戊午萬曆四十六年

正月朔兩朔工不朝

甲子尚書司奏失金牌十有三命兵部補造

丁卯太僕寺少卿包見撰為右僉都御史巡撫江西大理寺

右少卿王士昌為右僉都御史巡撫福建

戊辰享太廟

貴州苗掠鎮遠衛魯旗堡

庚午太常寺少卿李養正為右僉都御史巡撫河南

辛未光祿寺少卿董可威為順天府丞

乙亥夜月食

乙酉脩應天浦口城

二月甲午前南京工部右侍郎徐大任卒宣城人隆慶二年進士

二巳亥北關金台失入貢仍補貢去年給其賞

大學士方從哲以巡城御史薛貞劾其子世鴻毆死人從哲

上章引咎命上原之速其入直

司禮太監金忠守備鳳陽皇陵乞操練兵馬兵科駁之

癸卯前通政司使曲遷喬卒遷喬長山人萬曆丁丑進士嘗

官給事中揮霍有餘在粵西不無遺議

東安縣黑風晝晦

甲辰大風霾

乙巳巡撫貴州張鶴鳴請剿平定兩江叛苗請餉報聞

留廣東去年解部稅金賑其水災

戊申廣東左布政使臧爾勸為右副都御史巡撫寧夏福建

左布政使陳道亨為南京右副都御史提督巡江

辛亥太子太保吏部尚書鄭繼之年高竟引去命致仕戶部

尚書李汝華署部吏

丁巳兵部左侍郎崔景榮屢乞休不允竟封印去

是月婁南交賊馳欽州時抄掠往歲征討獲朝祿二賊遁遂

脩都於四尚初交賜名朝祿與弟興曉以黎莫治兵相

攻竊據東海府地

三朝商南海三水高要四會高明等縣壞圩築成

巡按廣東御史田生金奏廣東備隘六臣故南京戶部尚書

順德張泰成化丙南京工部尚書南海陳紹儒嘉靖戊南京

禮部右侍郎南海陳璉洪武庚禮部精膳司員外郎順德張

蔡正德辛淮府左長史贈太常寺卿揭陽莊埏弘治丙吏部

未進士司即中澄海唐伯克萬曆甲戌進士

癸亥諭吏部以各尚書侍郎相繼求去是何法紀可傳示毋

蹈前轍丁卯給福府德昌王祿米以帝孫不為例

己巳刑部左侍郎張問達為戶部尚書總督倉場

禮部署部事左侍郎何景彥皇長孫年十四乞就學不

報林

庶午大風霾

庶辰巡撫延綏右僉都御史金忠士卒忠士字一休寧人

萬曆壬辰進士知五縣拜御史歷任有聲予祭葬

巡按陝西御史李養志奏去秋九月「犯葭州神木報人亡

漢榆林總兵杜文煥率中軍王永禎追斬十級我士馬重傷

二十餘神木道大雨李棲鳳反報捷乞兵部覆按從之

長泰同安三縣大雨雹如斗壞城舍樹高斃二百二十餘人

戊子旌淮府永豐王珣銓女陸姬貞節碑十餘丈高五丈

四 辛卯周府肅決嗣 齊志汪 志林 志民 志新 志德 志入

京城自宣武門至正陽門三里冰未經月

清江湖達其入犯鎮番總兵李懷信擊卻之斬一百六十八

級 十六 翰林院庶吉士孔貞時劉鍾英為檢討

貴州兩江苗作亂破總場已攻巴團哨圍 縣巡撫張鶴

鳴謂苗氛易蕩但楚兵犄角期月可平巡按湖廣御史彭宗

孟謂鶴鳴未經會議擅開兵釁於是鶴鳴求會議命下撫按

丙申巡按廣東御史田生金叙平黎功共斬六百八收撫一

萬五千三百餘人

丁酉陝西右布政使王舜鼎為順天府尹

甲辰建州衛都督 陷撫順城先期來市貂參云明

日三千人來為大市詰朝果至伏兵車中誘軍民出市突入

城殺掠中軍千總王命印把總王學道唐鎬死之游擊李永

芳中軍趙一鶴降得我兵五百九十八人建 積謀數年向

煉蜜為糧旁併諸部治兵甚秘 始據城

引西，煖兔宰賽等各屯遼河脅我賞購虎墩兔熬入犯購
東，炒化屯鎮靜堡外傳漢字檄云南朝發兵設在遵化故
到撫順會議須捐北關予我仍市清河於是巡撫李維翰總
督汪可受告急

已巳建州分陷東川馬糧口二堡敵守堡官李弘祖執馬根
山守備李大成

兩淮巡鹽御史龍遇奇奏立鹽政綱法祖制淮鹽歲七十萬
五千一百八十引自套搭行而課額虧淮南舊引二百萬淮
北舊引百四十萬今淮南編十綱每綱刊定二十萬其桂掣

未行引十七萬附之歲帶行一萬六千十年而淮南舊引可
盡淮北編為十四萬每綱二十一萬帶行舊引十四年而盡
甲工從之著為令

己酉巡撫宣府右都御史汪道亨卒道亨字懷寧人

萬曆癸未進士在鎮脩保築墻頗舉其職

庚戌征前將軍總兵官張承胤會各將分五路至撫順城

南建州分三路佯退誘我以萬騎夾擊我師殲焉承胤敗沒

遼陽副總兵頗廷相游擊梁汝貴突圍出見失帥仍陷陣死

初上南曰太子紅把兔嘗飲承胤所曰父志不小屢諫不入

萬一南向大將軍計安出承胤盛稱漢威德英而去也何難

作李維翰趣戰承胤叩門求見不許圍出見夫相

辛亥即輔忠為光祿寺丞

大雨雪

陝西苑馬寺廣寧開城黑水清平萬安等六監凍斃馬一千

一百五十四匹斃卒二十五人

甲寅遣頭目章台等送漢人張儒紳張棟楊希舜

進士七人因秦七恨先年無故殺其祖父背盟護北關嫁老

女三空柴河退壑自稱建州可汗求南朝官一人通官一人

締好赴貢罷兵初東廠太監盧受領司禮監印其餘人王朝

弼一曰應朝潛遣張儒紳市於撫順逞威徧脅令工書七恨

亦其一也

張溥曰之得為中國患也始於殺其父之無名

而終於與其爵之已重何則教場之與他失有掩阿台之

功而併僂於城下其罪之不當甚於董山也

之子憐其國絕而封之足矣而賞以龍虎之尊官使得號

召徒黨兼有諸部朝廷之失制甚於聽李滿佳之駐牧蘓

子河也往者董山糾毛憐海西入寇以武忠往諭李秉出

討窮歸闕下羈之廣寧而終不宥其誅而後秉諸夷之若
邊上者每以其死為言永樂間楊木峇戶奔建州而而滿
佳款附竟釋不問後為邊患歲中入寇者九十七則知
之為患於今日蓋有由也建州以三女妻卜吉而
取其地宰賽欲娶金台失之老女老女不可建州因間以
約婚而邀之以共攝北闕也事始於女子之間而禍深於
中國之大當其萌日一通事之力制之有餘而及其大也
橫江之二百里鴉鵲闕之七十里盡為其有不能與爭及
以全遠委之竭天下之財而莫可誰何則楊鎬李維翰之

罪其可勝誅乎

談遷曰冒頓之報東胡阿滑打之報契丹脩怨釋憾今於
建州見之然方其少孤非李成梁收養安有今日漢金日
磾本休屠王太子輸漢廷收馬彼獨不追痛先人乎亦感
收養之舊德効忠朝廷也必擱馬稱兵翹祖父以為兵端
猶遠金之故智耶

訂己日仲夏

前寧夏總兵官右都督李如柏為征前將軍總兵官鎮守

遼東諸文武大臣薦之也

越方從哲請發帑金召前兵部右侍郎楊鎬兼右僉都御
史經略遼東前總兵杜松駐山海關募兵於真定順德保定河間時宰賽煖兔諸人集遼河西岸
虎墩兔憨亦屯鎮靖塞外東西煽動羽書押至

閏四月己未朔宣大總督吳崇禮為右都御史仍兼兵部右侍郎

順天府丞董可威為右僉都御史巡撫宣府

前四川總兵劉綎薊鎮總兵王國棟甘肅總兵柴國柱延綏

總兵官秉忠各添註進都督府僉書

庚申建大同西二萬騎入瀋陽邊政堡

甲子山海關兵部主事鄒之易奏建初號五萬綿亘五十

餘里萬一引北胡並馳全遼豈為我有宜亟補將領發餉議

援大兵分三路各統將之一從廣順間道直走甯宮塔以

搗其巢一從靈陽清河堵截其前一從遼陽城或走穆家蒲

河或走懿路武靖以橫遏其衝報聞

丙寅朱國弼嗣梅寧侯

戊辰張國彥嗣隆平侯張炳子

命順天尹禳雨

滿坦犯馮家峪石塘路游擊朱萬良拒卻之

移保定巡撫靳子中於易州順天巡撫劉曰梧於山海關

庚午巡撫江西右都御史王佐總理河道

壬申初設山海鎮轄薊鎮東協為四路

乙亥前太僕寺卿劉汝康卒曹州人萬曆癸未進士

丙子太僕寺卿徐元魁為右僉都御史巡撫湖廣

丁丑黃霧四塞夜開原殷家莊堡等旂木生火

北郊陝西大雨雪凍斃人畜

甲申衛一鳳為南京刑部尚書

暖閣厥膳房火

乙酉常潯嗣潞王

丙戌日旁黑氣磨盪者三日欽天監不以聞

是月發運餉十萬金半黑脆如土煎之不耗

五戊子朔吉世子常淳薨

庚寅故征前將軍遼東總兵官左都督李如松贈少保寧

遠伯位祠謚子性忠襲鉄嶺衛指揮使

夏允彝曰申大司馬玄渚懋用常語余曰為小司馬時嘗一

晤李寅城如寅城以其為文定公子也待之極恭叩以邊

事曰為費甚多凡所育健兒恣其所好凡衣服飲食子女

第宅及呼盧狹邪之類俱由以濟之有求必予但令殺
建功而已玄渚叩以費從何出曰非能自給之也當其窮
時則貸之或責以零剝劫帳或責以禦先登計級受賞
即除前貸故人皆樂為之用此李氏功名所由成也當是
時天下皆疑李氏有異志兵莫強焉然李氏之費以養健
兒者漸移以結朝貴凡撫按出都必預有以結之至則與
其相雷同任其欺蔽凡小人墨畧求朝貴書出游者必以李
氏為利藪李氏子弟恣意聲色婦人出游騎若雲錦而功
名衰矣余嘗叩之連友云當成梁盛時所招致智勇之士

孰戰陣者甚多如栢如賴時其人皆安往何潰壞一至此
連友曰此天也當成梁如松之貴與之語皆媿精當及
如栢輩既弱且蠢與言皆憤甚其父兄之風無一存者一
幸觀即知其必敗也嗟乎李氏之盛衰即連事之興壞繫焉
知豈非天哉
七未貴州黃道宣慰司土舍劉時行襲宣慰使
癸卯作德昌王府以會典有帝孫王孫之異
可未建以福撫臣三全兒白家衝三堡
國子祭酒盛以弘為少詹事纂脩玉牒

已酉建醮出境
庶哉四川永寧司奢崇明子寅年少獷悍與貴州水西土官
安曉臣妻奢杜輝爭地杜輝即寅之姑也構兵仇殺安氏雖
衆而寅兵驍狡能捕事聞奪寅冠帶令改圖責杜輝還地
岷府常寧王幹坤薨母妃盧氏失愛於憲王因忿死

辛亥李維翰免命經畧楊鎬兼巡撫

癸丑南京太僕寺少卿未任吳炯助餉萬金

前題撫大同右副都御史王士琦卒士琦字晉臨海人萬

曆癸未進士嘗監軍朝鮮予祭葬

甲寅周府恭儀封寧鄉王

建

楊鎬至山海關奏遠近徵兵兵部議兵餉宣大山西萬人餉

四萬金延寧甘固六千人餉八萬金并摘調薊鎮營兵借次

工馬價各五十萬資運餉

西乃燻炒化等內祀

是月南京大理寺丞董應舉上言閏四月二十九日

以傳日中黑闇五月朔未刻臣於宅用水盆仰照見日旁黑

氣游移忽入日中白光盪轉不定旋為黑餅蓋於日工不盡

黑出日光奄、如紫少頃黑氣又作復入日光盪轉黑蓋如前者又變淡黃未申後遂無光采臣稽李淳風玉曆通政占曰政法不明號令不常君德不光曰生青黑若省咎補過則吉一曰郊祀弗恭乃生黑氛一曰臣扶私黨日有黑氣一曰黑日與日對或合胡狄來華一曰日出入時有黑日掩日化外侵中國掩盡則禍不可言至於黑橫水中如分日為兩亦主鼎分凡此數種未知應在何等也

六期午朔許厲拜襲樂昌王

已未帥蔡襲壽陽王常凍襲建德王載相襲廬江王常澤襲

高唐王由杉襲東垣王

辛酉大同後衛民家產分二首四目四耳

連東畿議開登萊海運召商募舟去就山東巡撫李長庚議

折色而止令發餉司糴買

乙丑建大同西丁攻開原鉄嶺衛告急

發太僕寺六萬金遣戶部照磨萬有孚市馬宣大發帑二十

萬治餉

丁卯禮部奏准王庶子常洪劫父掠妾以淮王貽謀不臧當奪祿四年常洪宜自盡從之初淮王珣鉅以伎王愛見冒為

妾入宮令常洪母之謀奪嫡妃陳氏世子於不免御史陳于庭處常洪於邸外而常洪故蒸愛兒招奸人夜入宮劫父冊寶貨貨及其妾事聞并受見論死

辛未起趙煥為吏部尚書

設遼東餉司

壬申大風壞西直門樓

乙亥吉王翊鑿堯謚曰宣

予祭故通政朱敬循

復荆王由樊原祿不為例

丙子甘肅寧遠堡東北天鳴紅崖堡地再震

己卯贈張承胤少保左都督詹本衛指揮使謚

立精忠

祠予祭堊故遼陽副總兵顏廷相贈都督同知故游擊梁汝

貴故海州叅將蒲世芳並贈都督僉事俱祔祠守備魏居正

等加廕有差

前遼東巡撫李維翰削籍

炒化寇廣寧大小黑山轉犯河東俱建一勾之也

壬午京師地震

截漕五萬石餉遼東

癸未巡撫廣東右都御史林如履罷
丙戌少詹事盛以弘纂修玉牒

封岷王定耀曾孫禋法為岷世曾孫

是月乃蠻犯大靖堡幸款夷預報拒卻之

鄆陵地震有聲

七月丑建，謀犯清河攻北關金台失，又於撫順城外二十里

築城屯兵，經略楊鎬遣游擊劉遇節祖天壽保定總兵王宣

各以兵往，而開原援兵過瀋陽，值西而潰

癸巳申飭秋防

尚寶司卿熊尚文奏冊寶勅空白月日非宜，方從哲言王府

內外各官關領不齊，故宣勅俟報單領狀填給，相沿久矣

上命仍臨期填給

乙未予故刑部右侍郎鄭大同祭葬，莆田人嘉靖己丑進士

己亥寧國廣德青陽婁吉大雨水溢

壬寅前刑部左侍郎呂坤卒，坤字叔簡寧陵人，隆慶辛未進

士，入仕三十餘年，林居二紀，天性愧怍，持身謙素，有古人風

予祭葬，天啟元年贈刑部尚書，廕子入監

張萬為國子司業

建自鴉鵲關入攻清河堡堡在山谷中號天陰獨東隅稍
平戍卒五千二百五十人督臣以地重遣游擊張旆以三千
人往方半月見攻議設伏伺夜掩之守堡官凌雲程曰可參
將鄒儲賢議守以俟援即閉門樵採之士數百人不聽入戍
申敵自寅至未不退戴板屋車掘城土歷級上我砲不繼而
陷儲賢見李永芳招脅大罵巷戰死三全一路並遭焚燬時
建十六萬我遠鎮兵額僅六萬又城堡驛站之役行間才二
萬餘而所謂各邊兵一萬六千遠東又募新兵二萬議餉三
百萬

徐時進曰張承胤宜退而不退者也喪師辱國塗地肝腦
何恤一人所可原者以撫臣之軍令迫之戰非其本心可
薄滅也苟利社稷君令有所不受此之權宜又非所深責
於介冑之士矣鄒儲賢宜戰而不戰者也街亭之敗檀制
得刑雖馬謖何所辭於武侯哉張旆凌雲程欲戰而不得
戰者也受刃城頭血濺雲空儲賢有知猶得以其魂遁旆
較策得失哉悲夫世何遽無男子張旆死儲賢亦死庸得
以等死同日論哉

陳仁錫曰均遠人也惟撫順清河之人始而與彼接兄弟

既而與彼通婚媾故撫順一失清河旋陷二城之人至今為梗
殘酷狡黠揆厥所由因開市年久夷夏防疎故其人陷於
建州而恬不知耻彼亦熟稔情好而任用無疑若此輩約
有二三千鑿此則張家口潘家口之款又不可不嚴其防
也

甲辰夜京師大雨雹

乙巳予故遼東總兵官右都督麻貴祭葬

丁未方從哲請脩內治亟圖用人不報

戊申寧前練兵推官盧禿臣貪恣劾免

時清河兵民萬人皆陷沒時援兵俱在數百里外獨賀世賢

自靈陽馳赴克敵一柵斬一百五十一級

唐成前巡撫貴州兵部尚書郭子章卒子章字相奎泰和人

除慶進士授禮部主事

歷今官文章勲業爛然可觀予祭葬

何熊祥為南京刑部右侍郎許汝魁為南京通政司使王永
光為大理寺卿

癸丑懷寧縣產犬長五尺高四寸一首二身八足狀如人

甲寅張邦紀為國子祭酒

巡按江西御史張銓言李如栢杜松劉綎俱宿將不相下必
天語嚴切責成楊鎬約束又綱目書死之例有三曰死之予
節也曰戰死功罪半也曰敗沒直罪之耳張承胤輕進取敗
屍積立山不合卹典請繩以喪師辱國之罪不聽

是月廣西旱

八月午故蘄鎮東路副總兵署都督事高策贈都督同知予祭

一策山西天城衛指揮

武進士

禮部主事謝陞朱大啟知縣張光前葉廷祚為吏部主事

己未交夷大舉犯欽州恣掠執把總查友真

庚申潮州大風潮溢潮陽澄海揭陽饒平普寧漂數萬人壞

田舍上策

勅賜楊鎬尚方劍總兵以下不用命者聽軍法

壬戌前電白典史朱鳳翔為南京儀制主事添註

乙丑朝鮮國王李瑄請勅從征建州從之先是總督經略各

檄朝鮮簡卒聽調至是刑曹判書李慶會云簡萬人以瑛且

請稍黃又進馬七百

丁卯山西提學副使呂純如請采資政殿大學士范仲淹我

明霍州學正曹瑞從祀孔廟
時戶部議改折南京倉糧充邊餉已報行而南京戶部謂止
以今年倉糧半折濟邊半留給軍士該部謂二十五年南糧
今始動支則實有九年之積即改折二年何損命下會議
戊辰周永春為右僉都御史巡撫遼東
己巳遼東寬奠海蓋地震
援遼總兵麻承恩論死以失援清河也

壬申上初止山東海運至是山東巡撫李長庚奏海運自
登州開洋望鉄山西北羊頭凹歷中島至長行島至北信口

直免兒島至深井至蓋州剝運百二十里至玉女宮登陸趨
廣寧百八十里至遼陽百六十里每石費不踰一金部覆從

之

乙亥方從哲請開儲講舉冊封補閣員推大僚補科道點巡
撫清詔獄釋劉光復不報

巡撫貴州張鶴鳴以土司仇殺請勅責水蘭安置隴氏祖孫
以杜兵端

丙子建一謀攻遼陽廣寧

庚辰沐陽桃源睢寧高郵等水災

西乃蠻等七營各悔罪求款願九九之罰經略楊鎬增舊
賞二百餘金受盟

壬午巡按直隸御史龍遇奇請重運判之選必用甲科弘治
間進士徐鵬舉除判官政成陞大理寺丞可倣也 上從之
癸未巡按雲南御史潘濬請停貢金不報

諭兵部令各總兵出關駐何地各援兵俱集否令經略分地
專責

初光宗為兵部右侍郎兼右僉都御史仍巡撫
是月京省主試順天右庶子趙師聖右諭德薛三省應天

諭德鄭以偉 贊善來宗道 浙江翰林院編脩林欽楫吏科
給事中張廷登 江西編脩成基 命工科給事中范濟世 福建
檢討丁紹 軾吏科給事中張孔教 湖廣編脩馬之騏 刑科給
事中陳伯友 河南尚書司卿熊尚文 禮部員外郎朱綵 山東
刑科給事中李奇珍 戶部主事吳伯與 山西吏部主事唐文
煥 兵部員外郎陳騰鳳 陝西吏部主事楊一鵬 行人司副劉
時俊 四川禮部主事陸完學 大理寺評事齊琦 名廣東刑部
主事熊秉鑑 工部主事陳應元 廣西兵部郎中譚昌言 中書
舍人朱正蒙 雲南戶部主事洪起初 工部主事陳如京 貴州

刑部員外郎方尚恂行人陳玄藻而應天浙江江西湖廣河南陝西俱七月甲寅命下各改試期

江西奉新等縣蛟災壞城舍人民亡數

九 丙戌朔朝鮮報日本國王源秀吉求通

戊子朝鮮義州鎮節制使李善報建 八月二十日謀攻遼

陽廣寧如不戰誘之野戰楊鎬以聞

己丑建 以五千騎自撫順關入犯總兵李如栢游擊尤世

功等分擊斬七十六級是日杜松馬林出清河

前巡撫遼東右 都御史張濤卒 黃陂人萬曆丙戌進士

己亥起張輔之南京太常寺卿

西 掠漢五子札哈虎赤黃把都元兀魯孫等謀內犯

壬寅巡撫貴州張鶴鳴報銅仁坡西等營兵鼓噪紅苗乘之

恣掠尋撫之

甲辰予故左副都御史蔣沂祭塋

戊申命戶部發 二十萬金勞遼東吏卒

裁臨邑霑化蒙陰等縣縣丞

庚戌命總兵柴國柱移山海關

建 犯會安堡殺掠千餘人經略楊鎬諭北關夾攻之北關

懼禍觀望未決巡按御史陳王庭以南閩王世忠姑金台失
嬖之遺世忠往說貽千金且曰虎墩兔愁輩行剽建受賞
也

辛亥加派各省直遠餉共二百萬有奇貴州不預

壬子錢塘臨安新城富陽餘杭孝豐歸安長興臨海黃巖太
平天台仙居定海並水災議賑

癸丑固原游擊佟國祚援遠師次昌平聞父總兵鶴年降建

明日脫身逃去事聞命逮治之

甲寅山西代州五臺保德偏頭關陽曲壽陽太原孟縣潞江

地震

夜有長星見翼軫色白形如匹布銜尺餘長可二丈凡十九

日滅

乙卯易州東安慶都定興清苑涿水唐縣河間任丘景州肅

寧紫荆關馬水口天津地震有聲

是秋浦城縣午刻大風自田際旋起水珠五大餘盤旋周遭

下上數十畝久之乃滅

十辛酉夜有星大如斗有聲墜南京安德門外化石重二十二
斤又萬善鄉亦墜二石重百三十斤

癸亥京師賑粥饑民

乙丑夜彗見氏宿大如雞子長丈餘色蒼白尾指東南踰數
夕轉指西北犯太陽守星又三日漸往西北尾掃北斗天璇
天璣文星五車等星偏紫微至次月十九日滅
方從哲言拜災數事不報

丁卯寬順天永平田租

壬申改折南京倉糧一年助邊

甲戌巡按陝西御史牟志夔言甘肅河西河東諸生合試宜
在鞏昌為適中地

己卯南京大理寺卿董應舉予告

辛巳援遼總兵張萬邦疾免

巡按直隸御史魯陳易請增南京武科從之

壬午雲南大雨雹

甲申諭群臣脩省

十一月乙未建犯瀋陽等堡游擊楊于渭等掩敗不以聞巡按

御史陳王庭議其罪

起孟養浩太常寺少卿黃運泰光祿寺少卿

丁酉李誌為左都御史

戊戌木介

安南都統使黎維新入貢

河南道御史房壯麗請革有司徵糧火耗從之

進楊鎬右都御史仍兵部右侍郎經略

已亥劉日梧加右副都御史仍巡撫

壬寅設廣州香山澳參將

乙巳夜有星自北隕南大如斗聲如雷

壬子起馮若愚南京光祿寺卿

癸丑戶部主事洪起初主試還自雲南言害民無如貢金六

月中護貢兵役渡盤江死者五十人當加意存恤

甲寅欽天監副周子愚言前陝西按察使邢雲鷺深明曆法

近著曆元一書言七政源流四周四應據經據緯俱有本末

又言五星北齊張子信草率之曆至今千百餘載曆家馮舊

法倒換致曆筭失次差至數十日不覺至土木二星其行尤

遲木星十二年一周天土星三十年一周天二星二歲俱行

至及今測驗乃得真數過此又須十二年三十年矣乞勅取

雲鷺同脩曆法

乙卯前巡撫遼東右都御史韓取善卒

淄川人萬曆丁丑進士

封潞王常潞代世子勗薄樂昌王勗釘上饒王翊鉅寧鄉王
恭儀魯陽王肅決東垣王由彬廬江王載禔高唐王常浚建

德王常濡

十 仁丙辰朔禁有司徵羨銀

丁巳套猛克什力等求款

辛酉 鄒主事鄒之麟奪職閑住之麟員才名附給事中亦

詩教韓浚求轉吏部不得遂訐奏詩教浚又擅離任被斥

夏允彝曰齊楚浙三方之貴者相與甚密也忽而相疑時

山東趙煥為冢宰亦詩教為方從哲門人操其權故齊勢

在或鄒之麟張鳳翔為選后必年例處姚宗文劉廷元輩

而齊與浙離矣之麟既斥其友夏嘉遇程光國尹嘉賓鍾

惺輩皆才名或一時久擬臺省銓司俱改冷曹此其持局

甚固然適所以自敗也如嘉遇淳和清潔而亦與衆共擯

不亦誤乎韓敬錢謙益王象春鄒之麟才既相伯仲又為

同籍而相仇至甚殆不可解也王象春自述云與鄒同游

西山鄒為對偶云敬字無文便是苟思其對不可得王忽

云林中有點不成材以湯賓尹號霍林故也此皆輕薄之

尤韓鄒固為世詬矣王后鄉最為鄉人所嫉其族人亦多

恨之錢聲色自娛末路失節此皆國運所關坐此輩以致
朝野紛也

壬戌予故山西左布政杜潛祭葬潛嘗監軍朝鮮

癸亥北關金台失遺子得兒輩台州來告捷以十一月襲建
俘四百有奇斬八十四級獲甲百十馬七十牛羊稱是命
勞三千金幣二十

雲南左布政使李燾為右副都御史巡撫雲南兼督川貴兵
餉燾望輕適入覲購得之命下交劾燾出都報罷猶亟赴任
精敏加於前聞白簡蜚起仍視事再被旨不去直至交代

庶辰許副榜監生准項

議徙寬奠子女於遼陽

兵部員外郎董承詔言遼事之難有六將多而難調兵弱而
難用餉久而難繼賊狡而難制地險而難攻助寡而難恃其
將多而難調以唐九節度之師潰於相州為証不報
巡撫山東右副都御史李長庚為戶部右侍郎督理遼餉

已未萬曆四十七年

正月朔日工不朝

己丑蘭州產羊四耳三日

辛卯國子祭酒張邦紀南京國子祭酒周如磐為少詹事纂

脩玉牒

乙未外戚鄭養性授都督僉事止一輩不為例從兵部黃嘉

善議

丁酉謚山陰王俊柵莊憲

嚴一鵬為南京光祿寺卿

辛丑夜火星逆行軫宿

癸卯兵部職方司員外郎王元雅工六策嚴責成別功罪戒

散敵督芻餉核戰具戰火器工是之

丁未兵部購東事賞格刊示中外

談遷曰往討噶氏討閩白討播夷虛懸賞格百不一售今

購建首世都指揮勞萬金彼反購能廷弼首勞一錢取

悔如此剛功懋賞不遲漏刻正無常文告之靡也

命給潞王米萬石

庚戌右春坊右庶子趙師聖為左春坊左庶子右庶子何如

寵各署印兼翰林院侍講左贊善錢象坤為右諭德兼侍講

庚亥吏部大計後降戶有差
兵部少詹事張邦紀知貢舉

戶部議惠王桂王婚費各七萬金命各倍之

二月外朔吏部右侍郎史繼偕禮部右侍郎協理詹事府韓爌

主禮闈

丁巳夜火星逆行入軫宿

庚申命覲官即回任辦遼餉

癸亥夜火星逆行入軫宿

乙丑經略楊鎬會師於遼陽分四路總兵馬林自開原出靖

安堡攻其北開原兵備道僉事潘宗顏監之通判董爾礪贊

理山海關總兵杜松出撫順攻其西保定總兵王宣趙夢麟

佐之分巡兵備副使張銓監軍遼東征前將軍總兵官李

如栢出清河鴉鵲關攻其南參議閻鳴泰監軍總兵劉綎自

寬奠出涼馬佃攻其東南兵備副使康應乾監軍推官魏之

范贊理總兵官秉忠都司張承基屯遼陽總兵李光榮屯廣

寧為備約乙亥出塞北關金台失白羊骨等屬馬林鎮江游

擊喬一琦領朝鮮兵攻其東朝鮮遣元帥姜弘立金景瑞副

之率萬三千人屬劉綎

丙寅移總兵李光榮於廣寧副總兵竇承武於前屯

戊辰夜火星逆行入軫宿

庚午起采興祖大理寺右少卿通政司左叅議張泮為太僕

寺少卿

大雪迷徑諸軍約乙亥各出塞至是改己卯杜松知敵未可

乘說楊鎬不聽蓋以方從哲紅旗趨戰也松密上書常事冀

緩師李如柏邀責其使

壬申禮部言前韓敬非有私許復之

夜火星逆行於翼軫

癸酉大風霾

翰林院庶吉士楊景辰服除授編修

甲戌申刻赤氣滿天晝晦至燃炬

丙子戶部右侍郎兼右僉都御史李長庚專督遼餉

戊寅增會試額五十八

己卯夜火星逆行入翼宿

壬午麗江土知府沐增輸遼餉萬金

癸未劉綎進兵至馬家寨斬八十五級俘八十八人

三 甲申朔杜松出撫順越五嶺關直抵渾河日暮軍欲止不聽

見河淺橫舟數十松氣益銳裸騎直渡衆請甲松笑曰入陣
被豎非夫也吾結髮從軍老矣不知甲重幾許進獲十四人
焚克二柵乘勝明日進二道閃伏自突起可三萬餘騎松力
戰欲據山上俄林中伏發復血戰抵暮而東營槍砲阻渾河
未前蓋敵決工涿斷我也松與總兵王宣趙夢麟等力竭死
之軍盡覆松等皆榆林人善戰松被召過潞河裸示人曰杜
松不解書策不若文而惜死體創如疥潞人為揮涕方出師
牙旂斷識者憂之敗聞經略楊鎬言松違律喪師撫按周永
春陳王庭亦如之雖松剛愎少謀而師期先泄彼得為備敗

道也

談遷曰杜松嘆喏甯將以蕪勇著寧旗陷堅者數矣渾河
之覆或咎其輕進或曰李如柏早置奸人為松向導誘而
陷之似未必然西道最衝松既慷慨有進無卻大夫文志
在吞胡五獨自取單于耳橫屍草間豈顧問哉松嘗諫經
略兵餉未克士卒未習將領未協不便大舉其勢甚明所
以致敗者先人有奪人之氣而後軍無為之繼也
乙酉開鐵路總兵馬林失利監軍開原道僉事滿宗顏死之
林出三岔口屯穉子谷夜聞杜松陷軍中遂譁及旦敵至林

甚恐逆引去宗顏殿後與游擊竇永澄守備江萬春
判董爾礪等俱鏖戰沒宗顏字士潛萬全都司保安衛人萬
曆癸丑進士能詩文授戶部主事身請督餉補令官嘗上楊
鐫書曰林庸懦不堪一面之寄乞易別帥當此重任而以林
遙作後應庶其有濟否則不惟誤事恐此身不保果如其料
年三十六後予祭葬贈光祿寺卿謚節愍子飛環詹錦衣衛
百戶
夜東南有大星色黃赤自大角東北行至近濁
丙戌夜火星逆行入翼宿

庚寅以四川貢扇粗惡奪布政司官俸三月

諭兵部戒飭東征將士

總兵劉綎敗沒綎深入三百里克十五寨斬二千級建「氣
懾」適得杜松號矢使諜告急綎曰同大帥乃傳矢裨我哉！
諜曰主帥因事急取信耳綎曰始不約傳砲乎曰夷地烽堠
不便此距建「五十里三里傳一砲不若飛騎捷也綎首肯
」諜馳報立傳砲我軍意松先登疾驅而亂中伏大潰綎遇
害年六十義子劉招孫救之亦死朝鮮裨將金應河援之殲
焉游擊上海為一琦投崖死朝鮮兵善火器習銃俱木牌並

列如墻開穴置銃銃力頗猛應河據山為營嚴銃拒敵不
退俄風霾銃不能發應河猶據胡床持大弓射之力屈死姜
弘立金景瑞降綖初留周文為後繼文擁眾不赴竟還
牛毛寨綖南昌人父顯亦名將綖驍勇善大刀與杜松齊名
時謂功在俄頃並敗沒邊人奪氣為一琦贈都督僉事廕金
山衛指揮僉事

揚鎬聞各路不利檄李如柏旋師時喪兵九萬馬四萬輜重
無筭

高汝栻曰是役也諸大將各以盛名相埒喜先得當一趣

首功直前而往經略意亦苦兵實不在戰虛張捷伐冀取

近寨小捷得塞軍書而杜松負膽力有犁庭之志遂轉

戰深入松過伏而敗林間松亦潰天也至綖直擣一巢敵

號泣震天幾已成功還兵自救餉援絕而鏖戰死當是時

諸將互為犄角分其兵力兩將軍必不隔惜字不能和將

士而委於不救也如栢退保開鉄藉口節制毋亦世居遠

看火情深支吾報成事耶

談遷曰成化間李秉征建分五路楊經略倣之為四路

然建一者脆而今勁隄於疇曩說者謂出師日星象赤霾

俱答徵宜止非也強一驚伏大軍雲集不惟敵是求更欲
何待第兵機宜秘諸帥宜輯而角幟競勝又漏其期疎莫
甚焉杜劉二宿將稍一慎重當無全陷馮壘自固旬日間
敵困於四應左支右吾勢且內潰或彼徵天之幸我亦無
豐敗今勇者躁怯者遁商是以狂諱言出塞甲士不復馳
荒漠之外矣惜哉意

甲午夜火星逆行入翼宿廣寧大風折巡撫門旗
戊戌策貢士莊際昌等三百十人賜莊際昌等進士及
第出身有差

庚子巡撫貴州右副都御史張鶴鳴為兵部右侍郎兼右僉
都御史總督陝西三邊軍務大理寺右寺丞韓浚為右僉都
御史巡撫保定提督紫荆等關兼理海防軍務口北道
副使杜承式為右僉都御史巡撫甘肅江西左布政使王在
晉為右副都御史巡撫山東兼理營田
命都督僉事王尚忠鎮守保定兼備倭總兵官

夜火星逆行翼宿
辛丑莊際昌賜第其策洗補數字又誤膠為膠禮科給事中
示詩教摘之方從哲以進呈失詳引答不問命際昌還里讀

書居三載吏部即家奏補翰林院脩撰
諭內閣發稅金三十六萬及宮費給連餉

癸卯總督陝西三邊楊應聘巡撫
祁伯裕為兵部左右

侍郎回部

兵部議募兵畿內山東河南山西陝西

己巳廷綏總兵杜文煥疾罷

丙午肅王紳克費謚曰宣

方從哲再求放以禮部
主事夏嘉遇再劾之

前御史熊廷弼為大理寺左寺丞兼河南道御史宣慰遼東

丁未皇太子才人王氏薨

戊申西虎墩兔憨詣鎮靜堡脅賞

戶科給事中李奇珍論楊鎬李如栢通胡失事不報

己酉參將賀世賢進副總兵專援連總兵李如栢專禦

東總兵李光榮專禦西

援連總兵官東忠疾罷

辛亥方從哲請籍遼民為兵議下兵部

調宣府總兵官劉孔胤出關
前翰林院脩撰韓敬調南京

壬子曉刻金星合祀壁宿紅霾咫尺不辨

起蕭如薰鎮西將軍總兵官鎮守延綏孫邦熙鎮朔將軍總
兵官鎮守宣府署都督僉事祁秉忠為平羌將軍總兵官鎮

守甘肅

四明寅朔嚴京城門禁

乙卯 壩上倉災

戶科給事中李奇珍言李如楨不可代如栢不報

丁巳命順天戶禱雨

庚申勅錦衣衛右都督李如楨為征前將軍總兵官鎮守

遼河東兼備倭總兵官往代如栢

談遷曰東事之壞始於用李氏兄弟蓋議者以

孤育於李成梁年十六遣歸本部謂成梁雖往其兄弟皆

世舊莫廢制之不知建深怨李氏反墮其計中初帥如

栢不律亦可已矣又帥如楨豈非常事之愚乎惜哉

壬戌署禮部事左侍郎何宗彥請邱陳亡諸臣從之

丁卯兵部主事莫在聲趣援兵以聞

戊辰兵部言貴州紅苗深毒宜命川貴湖廣各守界上初巡

撫貴州張鶴鳴言地演地隆等苗四十四寨為四川商陽宣

撫司石耶邑梅二長官司所轄沙苗頭龍等九十九寨為湖
廣永順保靖二宣慰司及鎮溪所土千戶改惟漢等所轄地
苗頭尤等苗二十三寨為貴州其害獨貴州當之積因為隣
整沅勅州湖所屬要隘列成嚴防凡苗出劫即嚴所轄如湖
廣則責湖北道行永順保靖二宣慰防守在四川亦如之在
貴州則自治毋彼順此逆以釀禍端

辛未協理京營戎政兵部尚書薛三才卒三才字
人萬曆丙戌進士選庶吉士授科給事中轉湖廣叅政歷
右僉都御史巡撫宣府總督薊遼有斬獲功至令官予祭葬

贈太子太保謚恭敏

壬申總兵朱國良為南京後軍都督府僉書

少詹事周道登予告

癸酉盃甲厥災

予故南京右都御史平原宋仕祭葬贈太子少保

隆慶五年
進士

乙亥初三年營以賀世賢領之招集舊兵

丁丑德府常泐嗣阜平王

辛巳選宣府總兵官劉孔胤以援遼兵諱脅撫臣人給二金

始息

前道御史劉國縉為兵部職方主事遠東贊畫

五月丙吏部候選儒士蔣定國奏採山西夏縣等礦跡不由通政司通政使姚思仁糾之

南京鎮南衛運糧千戶李一忠奏餉匱請搜東南積羨部各二萬金兵五百人通政使姚思仁又糾之

癸巳京師河水溢

丁酉思明等府向武萬承等州土官各首馬失期減賞

己亥延綏游擊袁大有以援運兵千餘人至昌平私逃七百餘人

辛丑寧夏總兵官蕭如薰為南京左軍都督府僉書

壬寅巡撫南贛汀韶右都御史錢桓疾罷

乙巳欽人曹致廉等奏乞同內監搜江南富家借餉數百萬通政使姚思仁又糾之

辛酉巡撫廣西右都御史林欽履致仕進工部左侍郎

辛亥建大舉入撫順關

思明府奸人構祿州夷入掠

六月壬子朔初李如楨抵山海關託人語總督汪可受以相見禮兵部尚書黃嘉善謂總兵見總督自有定禮况勅命聽經略

總督節制宜申明體統從之

丁巳故左副都御史

贈左都御史故南京戶部右侍郎

吳中明贈南京戶部尚書

乙丑順天大水滄稼

故伏兔知縣王從義死

贈禮部主事

己巳建

萬餘人自靖安堡攻開原總兵官馬林等方率衆

出防又特宰賽煖兔新盟不之備遂陷沒西一時市慶雲堡

聞變亦結聚亮子河

黃縣民家產承二首四耳八足

庚午西三萬騎攻鎮西堡

壬申巡撫宣府右

都御史趙士諤罷

癸酉楊鎬免

大理寺丞兼河南道御史熊廷弼為兵部右侍郎兼右僉都

御史經略遼東廷弼入京陛見國子司業張鶴請簡營兵三

千壯其行僅得千人至關門廷弼盡遣還留其馬營兵怨之

丙子甘肅總兵官李懷信移鎮薊州永平山海

戍黃經略熊廷弼言遼左為京師肩背欲保京師則遼鎮不

可棄河東遼之腹心也開原河東之根底也今開原破清河

棄慶雲掠鎮西圍鉄嶺懿路數城人逃矣獨連陽瀋陽為河
東孤立而昨楊鎬奏瀋陽民逃軍亦逃連瀋付可守也然不
守瀋遠必不能保連鎮不復開原必不能保連瀋前日之魁
東有朝鮮北有北關西南有連僅東北一道走露圖彙使當事者不急戰
復清講河撫順守寬向再建城設將奠於柴河靖安間悉宿重兵互相犄角以漸威
之不過以數耳自三路敗大軍失開原則朝鮮北關皆陰順之矣
開原城大而民衆敵攻開原而西部五營即五千騎犯慶雲又
三萬騎圍鎮西則西部為彼用如敵以數十萬金餌虎慙諸
酋入犯昌薊宣大以綴我使我不敢出京城一步然後長驅入山

海關或海道取天津及登萊勢所必至也乞勅廷議辦兵餉毋
旁掣中格云上然之仍賜尚方劍時翰林檢討于紹軾
貽之書請如范仲淹遺元昊書諭以大義寓反已自責之意

廷報不報

辛巳恭寧侯陳良弼總督京營戎政

七月朔夜有流星大如盞色青白自閣道西南入室宿

甲申惠王婚

西門自石門堡攻鮑家岡墩臺

九酉戌刻赤光燭地如晝自淮南墜西北

戊子封晉府敏濟河中王周府在鐸彰德王在鑣堵陽王常
淖新昌王益府常列阜平王由樞永寧王由權舒城王韓府
環漳長樂王慶府帥登壽陽王

己丑建萬餘騎陷十方寺堡

庚寅追封周府朝墀義寧王謚莊恪勤薨東會王謚簡靖

連東寧遠衛民家產承鼻長如象

丙申命總兵柴國柱游擊朱萬良各領兵出援連東

戊戌右庶子何如罷為國子祭酒孟時芳為南京國子祭酒

己亥張經母為右僉都御史巡撫宣府陳邦瞻為右副都御

史巡撫廣西

癸卯南京戶部尚書周嘉謨為工部尚書

甲辰以金花銀戶部尚書李汝華奪俸二月司官一年

楊鎬奏開原失所以署道推官鄭之龍貪刻離衆心宜捕治

從之

丙午建數萬騎自三岔口攻陷鉄嶺衛援連總兵賀世賢

救之不及斬百七十餘級

丁未胡應台巡撫應天總督軍務周應秋巡撫南贛汀韶總

理軍務李標巡撫貴州兼督理湖北湖南川東軍務俱右僉

都御史沈傲介巡撫雲南兼建昌畢節川東督理軍務兼督
川貴兵餉俱右副都御史于仕廉為南京太僕寺卿
左春坊左贊善徐光啟請使朝鮮諭夷回 上壯之拜少詹
事兼河南道御史賜二品服吏科右給事中姚宗文閱視遼
東

青州水西頭目官保以鎮雄水西烏撒兵萬餘追安效良至
雲益州界焚掠效良嬖前妻氏而踈安疆臣女女陰構烏
撒土婦隴氏買署使索效良印也

辛亥朔北 萬餘自石塘路攻白馬關高象馮家等堡游擊

朱萬良告急

左都御史李誌致仕

癸丑經略熊廷弼入遼陽鎮人知州李尚浩移家出城廷弼
罪之勞賀世賢斬逆將右翼營游擊劉遇節總兵中軍王捷
鉄嶺衛游擊王文鼎以獵文鼎雄縣人抵任一日城陷人以
為冤招屬夷北關金台失白羊骨二首令總兵李如栢屯潘
陽賀世賢屯虎皮驛

乙卯濟南東昌登州蝗議蠲灾租運遼東米荳三年帶徵
丁巳那增輝充總兵官鎮守保定兼備倭總兵官何奮武充

總兵官鎮守山海關應援薊遼王汝金為征西將軍署都督
僉事總兵官鎮守寧夏紀元憲為署都督僉事總兵官鎮守
廣東

戊午桂王婚

暹羅入貢

癸亥連楊鎬下獄治三路失師之罪

丙寅以「滿旦謀犯薊門石塘等路命京營副將江應詔以

三千人自順義牛欄山大水峪沿邊往援

鳳陽大旱無麥禾

辛未建「聲言犯遼突陷北關金台失白羊骨二寨金台失

自焚死白羊骨出降被殺北關止瀋陽官軍聞之驚潰熊廷

弼亟遣守道閻鳴泰往撫至虎皮驛大哭而反初開原鉄嶺

連陷北關益孤恃婚虎墩兔憨為援至是襲陷金台失寨隨

攻白羊骨而西「宰賽以爭掠鉄嶺為建「所獲因繫之以

鈴制諸夷故炒化寨俱觀望不救

張鵬曰北關仇南關而猛骨索羅遂甘就建「羅網人皆

謂滅南關者建「而不知滅南關者北關也南關滅建「

寢強北關於是漸弱相構未已卒弱隣而來強寇詎非逞

仰奴下四首為謀之不臧哉然則臧此閩者非建請而亦
此閩之自臧也

甲戌前山西右布政高出山西右叅議邢慎言俱監軍遠東
婁南祿州前何惇屢入犯至是檄都統使黎維新擒獻首禍

三人

九 庚辰朔諭停刑

甲申許總兵麻承恩劉孔胤納馬贖罪承恩八百匹孔胤五

百匹

熊廷弼論河東總兵李如柏失開原鉄嶺之罪請懷信代之

移開原道僉事韓原善於瀋陽報可

巡撫山西右副都御史王在晉言遠地糧餉陸運經地且

脚費工費宜盡改海運南貯金倉北抵蓋金州距登州半日

之程恐建馬龍江進舟揚帆渡海乞募水兵六百入護餉

章下所司

議蠲賑淮揚鳳陽旱饑

唐子少詹事兼河南道御史徐光啟上十事關防住札副貳

將領待士選練軍資召募徵求助義不報

癸卯命卹遠東陣亡將士

丙午脩通州張家灣二城

戊申熊廷弼誅左翼營游擊陳倫以盜餉三千餘金

朝鮮以建丁繕治牛毛寨萬遠嶺廣造攻具購蒙古炒化煖

兔諸酋意不在小來言於朝經略熊廷弼慮瀋陽空虛難守

決計保遼陽托濠掘塹徵戰守兵凡十八萬

十庚戌朔頒曆房山人陳槐前於萬壽節日呼冤午門云東宮

王才入為次女王昇冒之至是復呼冤方從哲請辨真偽不

報

壬子建丁謀犯海州斷餉道巡撫周永春以聞

丁巳弼京城饑民

戊午周永春乞增鎮江戌守蓋朝鮮貢道也從之

戊辰馮撤賊戈破李滿鸞等勾水西鎮雄萬五千人出掠至

樂農尋敵水西安致良奪其印總剽且分七路突官兵方策

安遠兵潰巡撫雲南沈傲炳請合川貴剿諸逆章下兵部

丁丑大同游擊焦垣以八百人援遼次懷來夜譁垣遁

十甲辛巳給京軍衣履出戍

吏部尚書趙煥卒煥字掖縣人嘉靖乙丑進士知烏程

進工部主事改陝西道御史歷順天府丞大理少卿右僉都

御史工吏二部侍郎長刑部執法不屈筮仕五十餘年自奉
不異寒素年七十予祭筮
癸未朝鮮奏建女媧書欲謀吞噬求亟庇授章下兵部
甲申前巡撫福建右副都御史黃承玄卒予祭筮贈工部左
侍郎
丙戌前巡撫南贛汀韶右僉都御史孟一脉卒一脉字
東阿人隆慶辛未進士知平遙拜南京道御史忤張居
正削籍後環召又言事調外再起南京通政司叅議累遷今
秩性介潔不淄年八十四

前巡撫山東右僉都御史錢士完卒

戊子兵部左侍郎楊應聘請調湖廣永順宣慰司兵八千人

指都揮使彭元錫領之保靖宣慰司兵五千人宣慰彭象乾

領之酉陽宣撫司兵四千人宣撫冉躡雷領之石砫宣撫司

兵四千人應襲馬祥麟同秦邦屏領之遵義叅將童仲揆統

焉仍以四川副總兵陳策加授總兵官統各軍報可

壬辰禮部左侍郎何宗彥予告

甲午南京工部右侍郎羅朝國致仕

乙未建國數萬騎自開原松山堡入收穫去之

已亥亥圍宋家泊堡

庚子日暈兩珥色蒼黃赤

癸卯五萬騎屯養善木

經略連東能廷弼言今日制敵曰恢復曰進剿曰固守而此

時語恢復進剿未敢草下不如分布險要守正所以為戰也

然守亦未易頃者臣至各邊歷在東南路為慶陽南路為清河西

路為撫順北路為柴河三兒宜俱當設重兵為他日進剿之備鎮江

南障四衛東顧朝鮮亦不可少者此分布險要之略也每路設

兵三萬人裨將十五六員主帥一員分前後左右各營對壘則前

鋒迎之中軍繼之左右橫擊之後軍殿之使各自備分合奇

正以備一面對敵在西路則南路北路出奇擊之東路南路

悉力以擣之在南路則東路西路出奇以擊之北路悉力以

邀之鎮江當設兵二萬裨將七員副總兵半駐義州半駐

鎮江夾鴨綠江而守如敵犯朝鮮則鎮江朝鮮合力拒堵而四路分搗以

牽之敵與四路相持則鎮江朝鮮合兵而西以搗之此各路

聯絡之略也大清河撫順三宜兒三路山多漫坡可步騎並進

當用西北兵寬奠以東北將兼領之慶陽林等險阻可專用步當川土兵鎮江水陸之

衝當兼用南北兵此酌南北兵將之略也善行師者行必結

陣止必立營見可以進知難而退每行一次必立一營貯收糧草兼作退步各路兵雖三萬如深入百數十里須留營撥平時駐劄遼陽防且兵既隨各帥往塞上遠城空虛再設兵二萬有事策應四路又海州三空河設萬人聯絡東西以備後勁金復設萬人防護海運以杜南侵此征行居守之略也敵兵計十萬今議官兵十八萬馬九萬見兵殆八萬尚在簡汰未作實數惟有召募征調二法每兵歲餉十萬倉兵十八萬該三百二十四萬金又每軍月米五斗該一百八萬石馬又每日給三升九萬匹該豈九十七萬二千石草束日十五斤歲除四個月青

草不給外計閱月該二千一百六十萬束小束倍之此毫不得裁者工是之

談遷曰自遼事棘公車之牘日聞俱朽腐不適於用能經略身歷各塞熟計利害毋蔓毋飾其策如趙充國之制西羌而漢以專任收其功今言脫於口尋肘掣之凡所用入欲如出酒效否且白簡隨之矣嗚呼善將者誰哉

乙巳巡撫順天右副都御史劉曰梧疾去戶部尚書李汝華署吏部事協理京營戎政兵部尚書黃克績署工部事

丙午宣府總兵官孫邦熙疾罷

丁未先是御史張新詔劉蔚周萬鎰楊春茂左光斗王尊德
劉惟忠山西叅政徐如翰等各劾方從哲以枚卜失平軍國
債事從哲求放不允

戊申兵部尚書黃嘉善引疾乞休命左侍郎楊應聘暫攝部
事

十 肫唐成朔選翰林院庶吉士丁進施屯昂延明恭侯恪張紳
吳士元楊夢衮魯士昇楊士芳顧錫疇劉宇亮金象乾朱繼
祚何吾驕姬希孟許可徵姜曰廣楊維新陳萬丁乾學雷躍

龍胡尚英

甲寅總督倉場戶部尚書張問達署都察院事

乙卯前左諭德兼翰林院侍講趙秉忠公為右諭德兼侍講
薛三省並為左庶子兼侍讀右諭德兼侍講鄭以偉錢象坤
楊守勤並為右庶子兼侍讀右中允兼編脩孫承宗吳宗達
黃儒炳左中允兼編脩駱從宇汪輝左贊善兼檢討丘士毅
並為左諭德兼侍講左贊善兼檢討周炳謨黃立極右贊善
兼檢討來宗道彭凌霄魏廣微國子司業張鵬為右諭德兼
侍講翰林院脩撰黃士俊為司經局洗馬兼脩撰編脩李光

元劉鴻訓楊景辰檢討王應熊孔貞時劉鍾英為起居注
丙辰報西黃杞免等合五萬騎窺河東
戊午勅總兵王威仍原官移鎮薊州永平山海關劉藻鎮守
山海關應援總兵官
命順天尹禱雪
魯府樂陵王壽鎬周府河陰王勤烜韓府襄陵王朗鏞俱謚
恪原武王在錦謚昭憲韓府長洲王朗銳謚莊順建德王
翊鉉謚莊順吉世子常淳謚晏惠
已未固原妖人李文等伏誅

庚申命故總兵劉孔胤駐海州特角連陽麻承恩駐三全河
授廣寧

庚午國子司業張鵬陳大學六論端本清塗慎選嚴教尊祀
除習不報

辛未南京國子司業施鳳來翰林編脩成基命並為左春坊
左中允李光先為右春坊右中允並兼編脩
壬申初會推閣員禮部左侍郎何景彥不預吏科給事中張
廷登不署名而御史蕭敷中薛敷教左光斗李微儀倪應春
彭際遇張新詔等交章惜之而禮科都給事中亦許教兵科

薛鳳翔又屢啟且如廷登指各歸責於方從哲從哲奏辨並
不報從哲獨相庸之無所主持章奏俱留中而言路一糾則
其人自能去不待旨也臺省之勢特重有齊楚浙粵時之名
山東元詩教韓浚周孔教葦湖廣官應震吳嗣亮浙江劉廷
元姚宗文輩其勢張甚時目趙興邦元詩教韓浚官應震為
四凶

建一遣謀婦飾謀焚海州芻粟會大雪凍饑能廷粥檄總兵
柴國柱等屯虎皮驛抗其衝若餉乏還遼陽

是年天下加賦一百萬遠餉三百二十四萬車三萬七千輛

牛七萬四千頭閩門日造器械遠東餉司歲五百萬有奇

庚申萬曆四十八年

正月辰朔上不朝

釋御史劉光復獄削其籍諭內閣曰先太后祔廟時朕欲
赦之以各官黨故未也

談遷曰劉侍御赴命倉皇非有奇節讜論足動當世而寬
章日上真與犯顏諫諍比烈矣其然豈其然矣聞置扉之

白干請當路所得不貨夫櫻龍之逆鱗以美其名哭驪珠而櫻之則又何說也抑當世好畫龍者不獨葉公耶

丙戌刑科給事中曾汝召請釋前中尉克鈺復前駙馬都尉

王昂不報

戊子山東太山嶽廟青龍神像高一丈口吐火道士水滅復

前

會議援遼左因京師之計

庚子朝鮮國王李瑄報北關覆沒并戒宰賽宰賽本泰寧衛

首控弦萬五千騎建一餌其部落襲之十月建一造其壻好

好里于斗等通小邦不聽欲見攻云今各不犯遼東先向寬

奠鎮江此小邦所以不及娶恤而惟以漢逸牧圍為憂也

癸卯熊廷弼奏兵部贊畫主事劉國縉募新兵萬七千四百

餘人分戍鎮江寬奠靉陽清河等防守昨十二月清河兵逃

盡鎮江寬奠靉陽亦多逃今如南衛逃者青成海蓋道康應

乾調處河西兵逃責成分巡道張鳳翼以贊畫之法難行於

鄉里而兩道之法可行於地方也從之

甲辰尚賢司少卿李騰芳為太常寺少卿署國子司業

湖廣永順土司都指揮使彭元錦加都督僉事保靖土司彭

象乾加指揮使各統兵援遼元錦稱疾遣頭目行僅三千人
朝鮮告急時建分兵攻朝鮮滿浦等堡命援之

乙巳城泰州東臺塲

丁未神樞營右副總兵江應詔為鎮朔將軍總兵官鎮守宣
府神機一營左副將楊肇基為將軍總兵官鎮守大同

二月 戊申巡撫遼東右僉都御史周永春引疾且請裁遼撫不允

庚戌馮陽京山等縣地震

巡按遼東御史陳于庭奏新兵熊錦報逃千九百餘人楊于
渭報逃千五百餘人卞為鵬報逃二千六百餘人李如栢報

逃四百七十餘人趙率教報逃四百九十餘人且增募兵馬

且陳危遼單弱不報

二 癸丑日暈如環白虹貫天

丙辰夜朔犯天關星

丁巳水西賊掠靈益守備方策失利以安效良逃至靈益賊
追索之策遽戰大敗賊恣掠

辛酉御史易應昌請振飭朝常昭宣國是不報

甲子廷臣以用人行政各候旨文華傳命各歸署毋瀆

丁卯夜月犯房宿

己巳神樞營左副將達奇勛為總兵官鎮守居庸昌平

丙子太常寺少卿徐紹吉為右僉都御史提調雁門等關兼

巡撫山西密雲按察使喻安性為右僉都御史整飭薊州邊

備兼巡撫順天

丁丑禮部右侍郎兼翰林院侍讀學士協理詹事府韓爌為

左侍郎詹事兼翰林院侍讀學士為禮部右侍郎同教習庶

吉士

戊寅夜南寧府雨雹大如瓜次如拳壞解舍樹木

三 甲申兵部左侍郎楊應聘卒應聘字行可懷寧人萬曆己未

進士知烏程進兵部主事歷右僉都御史巡撫寧夏秩滿加

右副都御史進兵部左侍郎總督陝西三邊有新獲功已回

部予祭葬贈兵部尚書

庚寅以軍興再加天下田每畝二釐

壬辰神機營三叅將王光有為署都督僉事神樞營左副將

京師大風霾

癸巳滿旦母子叩闕乞款許復市賞

明智草場火

甲午上不豫

乙未遼陽火藥局災斃二百餘人

京師大雨霾威縣怪風來自西北飛沙揚石白晝如夜

丙申方從哲催前補閣員數事而上引疾少俟之

癸卯杭州火

丙午兵部贊畫主事劉國縉以招兵萬人全伍脫逃被劾不

報

是月安南祿州蠻韋德慶突入我龍州掠人畜

四劫申朔方從哲請臨朝召對時政不聽

辛亥四川石砭宣撫司援遼女官秦良玉進三品服子指揮

僉事祥麟加指揮使時赴三千人續調三千五百餘人

建^馬數千騎屯撫順

癸丑皇后王氏崩

練兵少詹事兼河南道御史徐光啟以練兵二萬請集議械

餉章下諸司右諭德張鵬貽職方郎中王^書曰徐詹事

言區畫甚大制器甲甚精夫甚大則非一二年可局甚精則

勢必身親蓋為數百年擁護京城設此大方略而無暇計錢

糧之接濟與時日之久漸也官衙兼臺職鑄印授勅事頗創

見而原無善始善終之長策即此時已覺了局之難矣

丙辰禮部右侍郎孫如游署部事

方從哲哭臨思善門即候安仁德門上召入弘德殿述疾

苦從哲頓首因請補閣臣且言連警上閉目不甚省但曰

速東患在文武不和閣員跡已批容即行之從哲請補大僚

科道上下曰稍痊即簡發賜從哲飯召太子皇長孫入見

賜二千金

丁巳右諭德張萬工言皇上今日起居尤宜靜攝皇太

子執禮之暇時親左右皇長孫少成之歲娛樂庭除既足

寬懷亦稱聚順臣竊見士民之象或慈母見背嚴父孤單惟

兒孫繞膝可開眉宇雖天子不同民間而深宮骨肉應無

二理又聖躬願宜命輔臣隨事補贖日止奏一件賜發既

不煩心亦不壅積

己巳詔告天下右諭德張萬往河間廣平遼東戶科給事中

李奇珍往福建浙江大理寺副曹文衡往兩廣中書舍人于

緯往雲南貴州行人黎國俊往河南湖廣甘學濶往陝西四

川劉芳往南畿故事宣勅下禮部錄黃至是止給札署禮部

事右侍郎孫如游以問祠祭郎中康新民答曰會典禮部請

勅遣官舊歲抄本日勅下禮部差官又部集考定皇太后

喪無勅稿但給札問閔中及典喪內臣亦云然張鶴曰宮寮
豈給札乎如游曰孝定有遺詔可費今第以聖諭騰黃鴈
檢皇明詔令得嘉靖中孝烈孝潔及武宗皇后三
勅稿示如游御史左光斗上言禮不宜草始補勅付使臣
辛酉工召見皇長孫悅之賜二千金
乙亥命工部尚書周嘉謨禮部右侍郎孫如游同內監官汪
良德巡視廠庫
巡撫湖廣徐兆魁劾永順宣慰司彭元錦援連引疾熊定弼
乞命元錦身領八千人自效從之

閱視邊務吏科給事中姚宗文言北關金台失子得力克陷
於建其二女速不地為西腦毛太孫婦仲根兒為虎墩
兔憨婦臣同督撫招之今為復仇計勞以四千金俱領訖乞
立金台失白羊骨二酋廟示勸又南關之裔王世忠今任廣
寧游擊銜宜實授以風外夷章下所司
連東獲建間謀二十餘人云糾伯要兒歹青等營謀入犯
有水鳥巢山陽縣學舍
五朔寅朔西萬餘騎攻沙嶺堡戍卒銳卻之遂圍墩臺少頃
西寧千總方綬以百八十騎來援次牛莊備禦楊汝栢以百

二十騎擊之午刻海州參將黃璽又至墩下之圍解已總兵
李光榮至沙嶺圍解

丙戌朝鮮國王李暉奏建通臣書臣令邊臣隨意答之彼

國號後金而答云建彼自稱可汗而答云馬法仍待以番

禮開陳福禍省諭逆順彼見恨欲即攻我上勅慰之

庚寅夜月貫房宿犯心中星

乙未千騎犯花嶺山城守將尤世功周守燾不出擊恣掠

壬寅始補使臣勅

六月未朔經略熊廷弼以四百騎歷撫順清河探邊經歷程崙

止之不納

戊申熊廷弼奏建自稱後金可汗傳檄招降上詔中外

曰建橫肆詬侮朕切憤恨中外當事諸臣尚屬同仇之義

協力天心臣圖殄滅以雪國耻毋仍怠緩自甘膠辱

辛亥周嘉謨為吏部尚書

癸丑初五日祝耀祖募兵於順德永平河間保定御史

汪象恒副之至是象恒言募兵何歸兵部覆所募隨宜酌用

從之

丁巳夜月犯心中星

勅諭朝鮮助剿建

庚申熊廷弼歷鳳凰城而還

辛酉建、乘經略關邊以三萬騎自撫順關東州堡分道深入渾河熊廷弼令總兵賀世賢柴國柱設防瀋陽多有斬獲敵始退廷弼以兵力稍集且從瀋陽而前漸迫敵巢而建、方誘群胡窺河西且釋宰賽以招徠諸部傳檄招降詎侮無等廷弼奏且巡性剛所言皆關危疆利害大聲疾呼請兵請餉不無動色言路利之廷弼不為下動見牴牾轉成平戾以至廟議聚訟不休云

尚書司少卿劉時俊議提一旅由鴨綠江入駐義州并練朝鮮兵為連東將角綴建、後朝議建、之兵部尚書黃嘉善以書詢熊廷弼有李雄虬髯之喻部覆欲時俊開府瀋陽

曰連潘相去幾何乃兩開府乎遽覆其說識者頗以為惜之
庚午建、畏連潘之成乃旁掠山城克花嶺許毛子山等寨
辛未靖夷營總兵李懷信疾免

七
戊寅夜保靖宣慰司使彭象乾至通州而疾部兵三千人逃
已卯發戶部三十萬金勞連東吏卒
辛巳熊廷弼劾免兵部贊畫主事劉國縉

南京戶部主事牛維曜為遼東監軍道僉事

壬午時推用閣臣史繼偕沈澶或言之繼偕因不下於是御

史薛頊再請枚卜臣等議奏

夜月犯心前星

癸未巡撫遼東右僉都御史周永春夏去

甲申命皇太子才人王氏祔葬郭妃園

乙酉遼東早巡按御史陳王庭乞海運接濟

建分祀瀋陽奉集堡柴國柱以二百人屯奉集賀世賢以

三百人屯瀋陽敵乃旁掠屯堡殺略人畜於是靖夷營游擊

祖天壽千總于文魁撫順游擊周守廉各下臺訊

丙戌協理京營戎政兵部尚書黃克纘加太子少保

戊子工部考端皇后尊謚

光祿寺少卿沈倣為右副都御史巡撫雲南兼建昌畢節

贊理軍務兼督川貴兵餉

壬辰方從哲率廷臣入思善問門疾久之司禮監諭退初

工不豫皇太子未得見御史左光斗等詣從哲請候安從

哲曰工諱疾即入問左右不敢傳兵科都給事中楊連曰

昔宋文潞公問仁宗疾內侍不肯言潞公曰天子起居汝曹

不令宰相知將無他志下中書省行法令誠曰三閔不必見亦不必上知第令內廷知大臣在門且公當宿閣中從哲曰非故事曰潞公不訶吏志聰乎此何時尚問故事甲午召英國公張維賢大學士方從哲尚書吏部周嘉謨戶部李汝華兵部黃嘉善戎政黃克纘署刑部事總督倉場尚書張問禮部署事右侍郎孫如游等入弘德殿上御榻整冠被袵勉諸臣勤職周嘉謨請補大僚臺省上曰待朕小愈黃嘉善言邊事上倦不答諸臣遂出日旰皇太子尚待於門楊漣左光斗遣人語東宮伴讀曰上疾甚不召

太子非上意薄暮可還宮詰朝力請入侍嘗藥視膳即夜母輕出

丙申淮安地震有聲

日初出有星如盤自西東逐直犯入日中

上崩於弘德殿壽五十一遺命封皇貴妃鄭代為后詔曰朕以冲齡續承大統君臨海內四十一載於茲享國最長夫復何憾念朕嗣服之初兢、化理期無負先帝付託比緣多病靜攝有年郊廟弗躬朝講希御封章多滯僚案半空加以礦稅繁興微調四出民生日感邊釁漸開夙夜思惟不勝追悔方

圖改轍嘉興天下維新而遺疾彌留殆不可起蓋愆補過允
賴後人成皇太子聰明仁孝睿德夙成宜嗣皇帝位尚期脩
身勤政親賢納諫以永鴻圖皇長孫宜及時冊立瑞王惠
王桂王各擇善地令早就藩封大小臣工務協恭和衷輔理
嗣君保乂王室是皆朕倦之至意也內閣輔臣亟為簡任
卿貳大僚盡行推補兩次考選并散館科道官俱令授職建
言廢棄及礦稅誣誤諸臣酌量起用一切權稅并新造織造
燒造等項悉皆停止各監犯俱送法司審釋東師闕餉宜多
發內帑以助軍需陳止將士速加卹錄云云詔告天下咸使

聞知九月甲寅謚範天合道哲肅敬簡光文章武安仁止孝
顯皇帝廟號神宗

夏允彝曰神廟冲齡踐祚睿質夙成慈聖內訓甚肅
輔臣張居正擅其才以法制天下朝令夕行雖多苛察人
奉法唯謹尤留心邊事初與高拱合策撫俺荅邊鄙不聳
宣大以西桴鼓凝埃矣用大帥戚繼光於薊鎮譚綸為督
撫一切用舍興建唯繼光言是從繼光建城堡墩臺相度
皆精絕烽火精明又調素練浙兵雜邊兵練之車馬步雜
用聞而畏之匹騎不敢入者二十餘年用大帥李成梁

於連左敢戰深入敵。過當是時九邊宴如群吏畏法庶
幾黃龍地節之間。居正驕而悍好自尊大。又以魏第私其
子身沒怨叢卒禍其家。繼之輔政者多避怨趨時鮮能負
荷。上既壯盛明習庶事不復委柄於下。操切之後繼以
寬大人皆樂之。府庫充實賦歛不苛。士大夫以氣節相矜
雖無姚宋之輔亦止媿開元間也。自貴妃罷盛。上漸倦
勤御朝日希。迨國本之論起而朋黨以分。朝堂水火矣。爭
國本者章滿公車。上益厭惡之。斥逐相繼持論者益堅
上以為威怵之不止也。不若高閣置之。批荅日寡。後遂
絕不視朝。跡十九留中矣。郊祀不躬。經筵久輟。推陞者不
下被糾者不處。上之一切鄙棄也。若以大臣之無足伏
也置之不用可然。所用者益寡而一人操數柄得以持權
矣。以言路之無可採也置之不荅可然。章一上不待奉旨
處分而被糾者即去。臺省益恣行矣。庸相方從哲獨居政
府若喜其無能也。而安之。然輔臣不能持政而臺省持之
於是元詩教趙興邦官應震吳亮嗣等稱為當關虎豹。放
廢天下賢人殆盡。凡中外之得選為臺省益復以寵致。後
進必入其黨。當時所宣持者惟禁道學一事而邊防吏治

俱寔不理賄賂日張風俗大壞連東之難一發而將驚兵
驕益無可支吾賦加民貧深寇乘之土崩瓦解禍發於天
啟崇禎之代而其所從來久矣至群臣背公行私日甚一
日「寇之患愈迫朋黨之相攻愈苛雖持論各有所短長
大抵世所謂小人者皆真小人而所謂君子者則未必真
君子也民益貧而吏益貪風俗日壞將士不知殺敵惟知
害民百官不知職業惟以營進雖以烈皇帝之憂勤而
不能挽回真如江河之日下也嗚呼一日二日萬幾而可
以高臥治乎高皇帝一日兩視朝未明而興夜分而寢
非好勞也文之日下不食舜稱無為時言其用賢致治氣
象云爾兢業豈以不事事為無為者乎乃無識者謂
萬曆以寬弛得承崇禎以操切致禍亂抑何悖也
談遷曰我明冲主英廟財九齡神廟十之主少國疑時
習厭惰常侍之權在床在旁而英分天絕取下凜馮保
雖伺其息而中外靜謐兩宮無間三事不替藉有江陵怨
桐無悔於三年居周豈嫌於元聖天之祚明若再得伊旦
及禧年以長慧斷自獨灑光謝政之日石顯涿徒之餘天
下事受成於密勿請烈於遐荒申王繼相唯諾有餘骨鯁

未及勤政如帝漸渝其初中道靜攝事治民安朝暑如
晨星廟議如沸蜩竊憂旁落而實未始以頽矣假也積厭
能臣知其以章奏塞責矯枉之過梳置寢閣然北懾東
矜倭西南北再梟叛鎮兵不留行威宣禹蹟之外於是採
木以病滇蜀礦稅以瘵商氓譬之壯夫日尋伐性之斧猝
罹風露久將不支建之難三十年地痛之積猶泄然
視之日者連陽號天下樂土大賈名俠闖溢廛市而以二
三懦臣臨彼勁敵有生之樂無死之心不敗何待而慈仁
不殺享年獨永間有極忤終於長繫惟怒江陵不可解驟
乘之隙或所深罪而任事之臣不避勞怨於馬鮮繼各優
游報成則帝亦有以聲之今吏民嗷、追念寬政謳吟
思慕雖改代詎一日忘之哉

卷之三